

翁山詩外

CHINESE-JAPANESE LIBRARY  
HARVARD-YENCHING INSTITUTE  
AT HARVARD UNIVERSITY


OCT 1951

07

T 5460/1244.3

卷之七

七



翁山詩外

卷之九

番禺 屈大均

撰

七言律一

鍾山

高高雙巘削屏風  
紫翠晴飛萬井中  
一自軒皇成寶鼎  
遂開天闕作玄宮  
千秋龍虎歸真主  
六代煙花送狡童  
歲歲貂璫馳傳至  
櫻桃春薦思無窮  
蒼蒼輦路但斜暉  
月出衣冠事已非  
六代采楸辭玉殿  
中峰陰雨見龍旂  
蠻奴小隊呼鷹過  
漢女春魂化燕歸  
多少哀笳吹不散  
五雲猶繞御牀飛

沙河悵望

哈佛大學漢和  
圖書館珍藏印

書

百二關山起太行  
鞏華宮樹曉蒼蒼  
諸陵水落沙河濶  
十口雲連碣石長  
士馬當年悲雨雪  
君臣此日怨參商  
居庸欲度頻回首  
弓劍天邊白露涼

壽山有十口諸水皆  
逕陵橋以入沙河

天壽 八首

諸陵山起太行東  
天柱香爐霄漢中  
黍谷晴開燕奧室  
榆河春注漢離宮  
青絲白馬塵雖滅  
紫蓋黃旗路未通  
愁絕清明多雨露  
萋萋芳艸灞園空  
太行東走極巫閭  
形勢先皇用武餘  
雁塞蒼茫開寢殿  
龍沙迢遞返宮車  
犁庭自昔天威大  
棄地何因廟畧疎  
萬歲明樓猶鎮朔  
紫雲瞻望淚凝裾

中峰樓殿鬱崔嵬  
萬壑銀燈照夜臺  
寂寞乾坤黃鉞在  
艱難日月玉門回  
山如萬馬從天下  
水自三關入塞來  
終古長安元代邸  
我皇重把朔雲開  
景陵蒼翠疊芙蓉  
想像英姿亞太宗  
親射朶顏沙塞去  
先飛天馬羽林從  
九霄玉几懸神嶽  
萬古龍旗出喜峰  
辛苦司香諸內史  
烽煙畱得掖門朶

諸陵樹木皆盡惟  
景陵餘白朶數株

英宗北狩返鸞旂  
花萼雙懸日月輝  
大隗何曾迷聖馭  
單于終是畏天威  
榆河雨急龍時嘯  
湯嶺秋高雪已飛  
此度文孫重出塞  
無人更解白登圍  
軍都山色繞離宮  
武帝佳城蒼翠中  
紫塞雲從

陰嶽出桑乾水與御渠通朱弓赤矢歸徐偃玉雁  
金鳧待沛公一著戎衣南國定諸侯猶自凜雄風  
連峰萬仞削天梯玉殿虛無大峪西亭國若令  
光廟永垂衣應與孝宗齊秋高大漠三劫入風  
起平沙萬馬嘶不見太官朝上食御園霜露正淒  
淒

風雨 昭陵落葉悲園門久已壞  
呆恩烏弓早殉  
三泉裏石馬頻嘶五夜時  
萬古君臣須再建二京  
宗社已中移太平端拱稱隆萬天鑒何因不在茲

西山口攢宮

三首

哀痛千秋 血詔傳遺臣何以報皇天山河萬里

畱東澳兵甲三朝喪朔邊竟使單于封馬鬣可堪  
嘗侍握龍淵酬恩自矢惟溝壑化作帝烏玉樹前  
乾坤此變恨無窮雨雪淒淒葬□梓宮血洒海棠  
中使見神歸天穴貴妃同真孤倉卒人難託微服  
艱難路不通隧道有誰陳麥飯年年杜宇哭春風  
銀山錢壁接雲中可惜龍盤萬里雄三輔莫遮回  
紇馬九門誰撤羽林戎心傷玉匣蛟龍少淚洒煤  
山草木紅此日六軍猶縞素報仇應解奮秦弓

金山口恭謁天下大師墓

讓帝飄零海嶠東龍歸猶識未央宮風雷豈敢疑  
周日禾黍何當怨狡童父老爭迎靈鷲錫山河如

棄鼎湖弓傷心陵墓無封樹秋草離離白露中

平臺

在天壽東山口內一里一成祖嘗駐蹕焉嘉靖十五年命作亭于上名曰聖蹟

十七年四月成祖于亭中

翠輦紅旗去不還平臺一片朔雲閒宮邊流水通  
諸口陵後黃花控二關俎豆中官修漢臘采楸南  
國慘天顏玉環何日歸廷尉流落龍沙戰血斑

宣府道中

花園北抵鴛鴦樂一路闕氏徃蹟多恒嶽白雲連  
上谷桑乾春水接洋河紫髯日市牛羊入紅粉時  
吹簫築過此度關山無內外漢時空費羽林戈

塞上逢李武曾

相逢一醉白登鄉岐路蒼茫恨夕陽塞北離愁隨  
地濶江南歸夢繞天長高堂望斷陰山月班馬嘶  
殘子夜霜明日黃雲千里隔故人那得共壺觴

宣府弔古

遼后宮臨鎮朔臺明君祠傍拂雲堆天寒鷹隼三  
關落日暮牛羊四野來幾日玉鑿榆木返無邊毳  
帳上都開遼東一臂連宣府誰使寧王罷鎮回

望雲州

西望雲州但夕陽漢家何處有金湯三年馬首迷  
春艸八月龍沙怨早霜夢逐黃河穿塞盡愁隨鴻  
鴈入關長平生壯志成蕭瑟空復哀歌弔戰場

大同作

飲馬東連白道泉，桑乾西接紫河烟。  
何年代邸淪秋草，幾處秦城出遠天。  
事去英雄羞一劍，時來游俠喜三邊。  
哀笳莫奏思鄉曲，都尉臺前月正圓。

塞上感懷

未有英雄羽化期，茫茫一劍報恩遲。  
天寒射獵龍沙苦，日暮笙歌塞女悲。  
太白秋高空入月，黃河春暖又流澌。  
鬢邊一片天山雪，莫遣高樓少婦知。

弔寧武周將軍

三關保障推寧武，苦憶當年禦賊才。  
百戰不緣飛將失，九門何至內臣開。  
夫妻力共山河盡，士馬魂

隨風雨來北望長城空，洒淚不堪斜日滿旗臺。

岔道

軍都下視居庸險，北口高懸太乙軍。  
一自中宮迎白馬，至今新鬼哭黃雲。  
山連陰嶽當關合，水抱榆河入塞分。  
城外風沙橫二路，雲州西去恨無群。

題雞鳴驛

馬飲洋河春水肥，雞鳴山驛曉霞飛。  
漢皇宣府餘歌管，遼后花園滿翠微。  
紅草溝邊朝會獵，鴛鴦泊上暮開圍。  
愁來不飲燕姬酒，清淚將同露濕衣。

咏葛稚川贈內

葛令當年勾漏去，求仙却娶鮑家姝。  
雙栖紅翠三

花樹對寫煙霞五嶽圖芙蓉自可爲金液蛟蝶何  
知在玉壺將子羅浮明日返人疑桂父與麻姑

舜廟在代州

虞帝時巡北嶽還翠華南駐鴈門山千秋玉殿臨  
邊起萬里龍髯出塞攀雪盡滹沱穿大鹵雲生句  
注失寒關竹書多少龍魚恨空有皇英慘玉顏

春日代州郊外作

青山一路帶滹沱復有垂楊拂玉珂調馬正宜春  
艸軟望鄉爭奈白雲多美人花裏揚鞭出上客林  
中射雉過相與晉王祠畔飲英雄往事一悲歌

送戴務旃入華山

夷齊祠墓白雲閒君向三峰峰上攀河至華陰分  
地絡山連蒲坂作天關昭王博箭芙蓉裏毛女琴  
聲瀑布間爲語青牛臺畔客彭荆山濯纓吾亦玉泉  
還

送顧寧人

鴈門北接嘗山路爾去登臨勝槩多天上三關橫  
朔漠雲中八水會渾河飄零且覓藏書洞慷慨休  
聽出塞歌我欲金箱圖五嶽相從先向曲陽過

紫荆關道中送客

紫荆雄據飛狐口河繞長城去渺茫萬里悲風隨  
出塞三年明月照思鄉平生亦抱昭君怨白首猶



尋結客場愁絕春寒紛雨雪送行難得酒盈觴  
重過易水

年年易水弔荆軻總奏平生變徵歌上谷悲風吹  
淚盡紫荆斜日傷愁多驂騑老去空知路鴻鵠高  
飛亦受羅好向城西更沽酒英雄惟有玉顏醜

居庸

軍都關向兩山開不斷鳴駝塞外來徃日遼金頻  
失險只今龍虎枉當臺城從夏口穿河去水落黃  
花繞塞迴幕府不須懸萬戶異時華夏自生才

紫蒙

紫蒙近接黃花戍黑水斜穿白草軍一道淪關兼  
扼海雙峰碣石故干雲天生飛將都無用人是長  
城獨不聞愁絕遼西征戰後兩河燐火暮紛紛

諸公餞予玉河亭子賦別

御溝一片東西水相送扁舟去五湖天上若無娥  
月好人間誰伴客星孤但同慈母餐芝草便是仙  
人隱玉壺燕市悲歌今已矣諸君好自作屠沽  
邠縣經故督師孫白谷先生戰處

一敗中原勢不還二陵風雨慘龍顏朝廷豈合頻  
催戰司馬惟應暫守關殺氣未消函谷裏忠魂長  
在大河間行人邠縣踟躕久淚洒斜陽匹馬閒

華山作

青  
天  
低  
插  
芙  
蓉  
亂  
白  
帝  
高  
臨  
落  
雁  
孤  
太  
乙  
西  
來  
朝  
紫  
翠  
首  
陽  
東  
走  
入  
虛  
無  
仙  
人  
博  
戲  
凌  
丹  
壑  
毛  
女  
琴  
聲  
隱  
玉  
壺  
萬  
古  
雲  
霄  
隨  
變  
化  
秦  
皇  
漢  
武  
莫  
能  
圖

雪晴嶽頂眺望

三  
峰  
雪  
照  
黃  
河  
白  
萬  
壑  
雲  
含  
碧  
落  
空  
醉  
向  
明  
星  
求  
露  
液  
狂  
臨  
仙  
掌  
舞  
天  
風  
雷  
霆  
聲  
起  
車  
箱  
裏  
日  
月  
光  
吞  
玉  
井  
中  
閭  
闔  
仰  
觀  
真  
咫  
尺  
高  
皇  
精  
爽  
昔  
相  
通

杜曲謁杜子美先生祠

城  
南  
菑  
杜  
瀟  
川  
濱  
工  
部  
千  
秋  
廟  
貌  
新  
一  
代  
悲  
歌  
成  
國  
史  
二  
南  
風  
化  
在  
騷  
人  
少  
陵  
原  
上  
花  
含  
日  
皇  
子  
陂  
前  
鳥  
弄  
春  
稷  
契  
平  
生  
空  
自  
許  
誰  
知  
詞  
客  
有  
經  
綸

蕪湖述哀

一  
戰  
蕪  
湖  
喪  
六  
師  
南  
朝  
宗  
社  
遂  
傾  
移  
花  
當  
竟  
繫  
降  
王  
組  
細  
柳  
難  
張  
大  
將  
旗  
馬  
角  
不  
曾  
生  
大  
漠  
龍  
髯  
誰  
爲  
葬  
焉  
支  
秦  
淮  
父  
老  
多  
哀  
慕  
歲  
歲  
清  
明  
祭  
不  
遲

白門秋望

龍  
盤  
虎  
踞  
是  
鍾  
山  
鳴  
鏑  
誰  
教  
入  
漢  
關  
豈  
爲  
深  
宮  
歌  
玉  
樹  
遂  
令  
高  
廟  
失  
金  
環  
臺  
城  
日  
落  
棲  
烏  
怨  
淮  
水  
風  
高  
戰  
馬  
閒  
愁  
見  
盧  
龍  
秋  
草  
外  
名  
王  
千  
里  
射  
鵬  
還

城北有  
盧龍山

越中寄廬山無可大師

久  
辭  
慧  
遠  
溪  
邊  
月  
因  
戀  
夷  
光  
石  
上  
花  
夢  
裏  
時  
時  
聞

瀑布曲中日日見朝霞觀空亦復憐天女服食無  
如採月華五老蒼蒼煙霧隔知君何處著袈裟

黔陽

黔陽千隊皂雕旗城闕蕭條罷戰時侍御血霑龍  
袞早將軍兵出羽林遲鷓鴣又散三珠樹雨雪偏  
侵八桂枝我愧邯鄲廝養卒微軀何日報恩私  
賦得明年四十髮蒼蒼

明年四十髮蒼蒼得見庭闈珠浦傍絕塞歸來依  
婦子先人事業在農桑山中蝴蝶爲紈扇海上離  
支有玉漿散帶涼風歌一曲平生何事向沙塲

白鶴嶺懷屈仙作

并序

嶺在祁陽東北仙人屈處靜嘗於絕頂乘白鶴  
上昇

三閩昔日是仙人苗裔如君亦上真笙鶴不歸高  
嶺上彩雲空繞碧浯濱離騷一卷皆丹訣漁父千  
秋有後身驂駕鳳鸞無不可嶽庭歸與太初鄰

永州曉望

瀟碧湘藍水至清臨流日日濯吾纓九峰雪溜添  
春漲一片香零山名在瀟水中出曉晴花發有時來士女  
月明何處降皇英雲山隱映皆相似斷絕騷人萬  
古情

望嶽

千里瀟湘帶嶽長芙蓉九面鬱相望五峰蒼翠連  
雲夢一水奔飛下石梁欲訪禹書登响嘍兼觀海  
日出扶桑水簾洞裏通浮嶠便逐仙人返故鄉

嶽中

水簾洞與羅浮通

朱鳥天邊配五峰湖湘倒映翠芙蓉白雲冉冉香  
鑪出古洞陰陰玉簡封一氣衡陽生帝子十年南  
極見飛龍遺宮縹緲無尋處日暮空聞嶽麓鐘

### 長沙秋望

雨過星沙楚望開天邊王氣尚昭回蒼梧倘得重  
華返紫蓋應朝南嶽來父老謳歌思帝力君臣馳  
逐失龍媒茫茫秋水雲吞夢騷賦空投二女臺

### 讀史

蚩尤祭後霸圖雄一劍能成赤帝功龍起不曾階  
尺土人歸何必在重瞳天邊星宿朝東井沛上旌  
旗捲大風此日留侯方寂莫咸陽王氣望無窮

### 贈電白令

使君慷慨奮秦聲欲繼空同一代名花縣不嫌神  
電小炎天偏有玉壺清人飛國士無雙譽家住朝  
那第一城他日夔龍多事業更令珠海盡銷兵

### 波羅曉望

牂牁春水蜀中來東注扶胥浴日臺江口月明龍  
戶合海天雲散虎門開金銀宮闕隨潮汐錦繡山

河寄草萊氛祲冥冥殊未息南征深仗伏波才

壽尹丈

日出羅浮紫翠重芙蓉爭繞老人峰天因四皓生  
芝草漢有孤臣在赤采坐處花深靈壽几夢餘風  
過曜真鐘山公膝下能娛志春酒今朝沆瀣濃

過某將軍北山草堂賦贈

英雄無命合知還欲作浮雲自有山身在不忘金  
勒馬夢飛猶向玉門關橫行人望三軍出高臥天  
容一日閒落落長采風籟好吹人不使鬢毛斑

壽東莞令

新年花柳暖爭開茂宰椒觴是壽杯四百峰霞扶

日出東西江水送春來三城吏治推經術一代公  
卿讓賦才鸞鳥已翔榆次縣歲星行上栢梁臺

與諸將登大甌山作

亂後江山但夕陽邊塵千里接荆襄三軍歲暮歸  
無日一夕天寒臥有霜白草不堪多戰骨黃雲何  
處少沙塲深閨夢裏人誰在咫尺龍堆是故鄉

將度梅關賦贈南雄朱叅軍

十載天南此謫居鴛湖歸興近何如官衙喜傍紅  
梅驛春野堪陪白鹿車自昔仙人多守令未應吾  
道在樵漁浮家我且臨京口相待金焦共著書

漢口過羅以獻鏡堂作

東南天盡惟煙水江漢微茫此合流才子多生蘭  
芷地書堂遙接洞庭秋新篇一一凌鸚鵡長嘯時  
時起白鷗日暮不堪分手處青青大別鏡中浮

晴川閣作

峨峨川上兩飛樓樓下煙波一片愁大別中分江  
漢水金沙東接鳳凰洲騷人一去無芳草帝子重  
來有古丘可惜湖南空轉戰三年不見漢時秋

黃鶴樓作

西上飛樓眺夕陽仙人黃鵠兩迴翔九江秋水連  
雲夢十里芳洲帶武昌詞賦自堪懸日月冠纓誰  
與濯沅湘三閩亦可爲漁父一棹煙波樂未央

漢口

嶓冢東來漢水長二湖相夾似瀟湘陰陰楊柳雙  
堤合冉冉芙蓉萬井香古屋龍蛇趨夏后大江煙  
雨隔娥皇南雲北夢無窮路不待登高已斷腸

有贈

漢家名士惟忠武相見江東豁我愁道在定迴雙  
日月書成亦是一春秋真龍自昔興三戶威鳳何  
須歷九州賤子只今狂簡甚將從毛扇學風流

與柳子談淮陰侯事賦別李子

只今垂釣亦良圖漂母能知大丈夫一飯自應求  
婦女千金誰肯易屠沽相逢歲暮寒衣盡相送淮

南濁酒無雨濕天陰揮手去可憐啼殺白頭烏

讀徐扶令和阮詠懷詩有作

大阮風流若有神詠懷詩好見天真嘯聲自可無  
鸞鳳名飲繇來屬大人千載竹林誰復起一時龍  
性汝難馴莫教禮法還疎短吾黨文章貴太醇

遙題毛子習池上亭

中原耆舊在襄陽之子風流今復長峴首功名雖  
寂莫鹿門妻子自文章楚人善怨繇天性壯士為  
家傍戰場他日尋君池上館醉看雲夢樹蒼蒼

素馨花燈

越女花田采摘歸滿城花片雪霏霏已將寶髻盤

千串更作珠燈似九微入夜光隨明月上凌朝香

化彩雲飛丹心不共蘭膏燼願照君王翡翠幃南偽

漢劉銀有美人名素馨喜來素馨

題李生畫冊

生善畫共草堂名曰羅浮

嗟君何事愛羅浮豈為梅花滿石樓天下正無山  
水地仙人應念帝王州三湘畫出煙林曉五岳圖  
成紫翠秋無限南朝宮殿影不隨江水共東流

送人上舉嶽

一石岩堯成一嶽三峯窈窕入三門蓮花半壓仙  
人掌瀑布全傾玉女盆雲出金天皆白氣河通玉  
井是真源君行好上西玄洞拂我題詩舊墨痕

昭江春望代景子

黃皮袴褶已全收  
淚灑空山葬紫騮  
意氣不堪三戰盡  
功名難向一人求  
陰陰桑柘鷄聲午  
渺渺雲山雁影秋  
歸去故園高臥好  
男兒豈必盡封侯  
春山雨過翠微新  
千嶂青青欲染人  
芳草漸侵樵路暗  
落花初點野田勻  
將歸海嶠嗟無計  
已謝疆場幸有身  
白髮孀慈知健否  
三年望斷繡衣臣

代景子將歸寄內之作

何事時來反息機  
將軍難挽紫騮飛  
多因戍婦啼紅粉  
亦是山人愛白衣  
士馬自分諸部去  
簪纓誰惜一人歸  
高堂此夕應同汝  
夢見戎裝脫翠微

送人度梅嶺

天作長城五嶺間  
雄州繚繞萬重山  
越王舊治梅花國  
秦帝初開大庾關  
紅葉影中雙騎去  
白猿聲裏一人還  
乘時自有臺侯業  
莫使鄉愁上玉顏

送曹郡丞

蕭齋卧病日沉淪  
知己潯江自少人  
無路可歸黃木浦  
有辭難乞白華身  
一春風雨飄鄉夢  
三載關山黯戰塵  
樽酒不堪還送別  
桃花和淚共沾巾

代景子昭江村舍寄懷某中丞之作

一辭灑浦無知己  
三載灘江只憶君  
飛鞚有誰追國士  
拂衣多日別將軍  
蠻奴尚使庭闈隔  
漁父頻



將劔佩分羨爾南樓方嘯詠相思難寄楚天雲  
隔浦人家帶柳林茅茨一半落花侵青峰朶朶開  
春雨翠竹枝枝散夕陰但使巖泉堪隱几豈須勲  
業始抽簪橋西小築須巖武暫慰翩翩鸞鶴心

柬孔君

世事茫茫總苦辛肝腸空與孔融親天教魯國餘  
男子代有湘纍是怨人鸞鳳自應棲枳棘驂騑那  
得絕風塵堪憐夜夜同明月相照愁心滿海濱

浮湘作

洞庭何處但空天湘口人家沒水烟山色淡分秋  
雨外濤聲寒落曉風前蘭堂未得三閭返瑤瑟難

從二女傳終古雲愁兼海思枝枝斑竹似嫵娟  
瀟湘爲客一秋悲不唱離騷唱竹枝香雨忽來神  
女館幽蘭多長水仙祠三閭稱荒淫未敢兼風雅  
哀怨惟圖寫別離終古君山青翠好銷魂應有美  
人知

夏口

卻月城臨夏口高維舟日夕苦風濤青天表裏惟  
秋水綠樹依微是漢臯南國山名愁大別楚人天  
性愛離騷瀟湘戰後黃雲滿鴻鵠無心下羽毛

和王不菴幽居之作

一夕秋風老玉顏無人但掩白雲關臥當流水難

成夢行見梅花不欲還禪寂定於征戰後功名應  
在有無間葛巾丰度開東漢賴爾林泉一日閒

吳門春日作

春光最愛闔閭城清婉吳音復有情一代風流餘  
屨響千秋怨毒是簫聲家家柳拂長天亂處處花  
含積雪明市井只今誰烈士橋邊空識伯鸞名  
橋西舊有伯鸞居四百飛橋盡不如泉石誰令高  
士在鶯花自是美人餘春聲只可聞臯氏簫曲那  
能到闔廬吳下繇來多俠烈我行端不爲鱸魚

虎丘弔闔閭廬作

古墓人傳鶴澗旁三千寶劍殉君王青蛇未解傷

勾踐白虎徒能拒始皇石上每聞金縷曲林中長  
見漆燈光紫珪瑰魄迷秋艸笑我多情弔未央

閶門訪瞿止虛賦贈

甦娑垂柳拂精廬有客閶門此隱居張翰未耽千  
里菜瞿格專諸方炙太湖魚春光本自耶溪至明  
月長疑玉貌餘吳俗繇來能用劍憑君淬出一芙  
蕖

吳閶卧病有作

天山南畔對秋空此日金閶寂寞同蘇武饑寒甘  
嚼雪要離細小畏迎風思將爪髮爲神劍未有精  
誠與白虹蒲伏不妨長乞食霸王遺烈在吳中

楓葉蕭蕭掩市門秋光雖好易黃昏人憐白喜方  
同病帝命巫陽更子魂楊柳東西朱戶映芙蓉七  
十白波吞人間未有瑯玕實饑鳳啾啾好自存  
三秋蕭瑟虎丘西山鳥多情爲客啼季札悲愁新  
喪子梁鴻清苦早同妻紅蓮稻美春應熟錦帶花  
多采不迷林屋洞邊風物好何時得共夏黃樓

贈王璞菴移居

移家偏愛鳳凰臺樓對鍾山紫翠開天闕喜看牛  
首在仙雲愁別岱宗來憑陵海嶽惟長嘯羽翼春  
秋且玉杯燕子磯南形勢好沙洲新抱石城廻

秣陵感懷

芝華采采未療饑南國飄零事事非烟雨又將春  
色去林泉那得白雲歸蕭疎素髮慚金鏡寂寞青  
溪弔玉衣貧賤每憂知己厭踟躕人外對斜暉  
江風吹雨散陰寒多少鶯花不忍看地有三渠知  
太液天留雙闕謂牛首作長安黃羊處處銜桃葉白  
鷺朝朝傍竹竿欲住秦淮偏未得高堂千里念游  
盤

逢商丘宋使君賦贈

相逢數數問戶門烟艸蒼茫往跡存豈有屠沽藏  
魏市空餘詞賦在梁園千秋公子無賓客一代才  
人是弟昆意氣未傾愁已別微軀自此更何言

三月六日集

蕭條為客恨江東此日壺觴慰轉蓬自有山川知  
故國誰從花艸問離宮文章已作南朝氣歌舞猶  
含朔漠風愁絕園陵寒食節君臣留得杜鵑紅

春日步出青溪尋東園故址

東園為中山王別業

青溪一曲亦天河往日張星此影娥

江總詩張星本在天河上

張星謂張麗華也麗華墓今在青溪芳艸又教南苑失飛花曾拂翠

華過武宗曾幸青溪釣魚秦淮水合穿朱雀幕府山名雲開散

紫駝痛飲且乘春未晚中山事業已蹉跎

過蔡國子園亭作

海棠一樹自清涼復有梅花似吉祥

清涼山海棠吉祥寺古梅

為金陵第一令弟分將朱萼好先公留得白華香開樓

近接鍾山翠引水遙通太液光勝日每邀詞賦客

因君孝友興俱長

題藍文還童圖

八十先朝侍從臣龍眠書畫總無倫人間文獻惟

高士天上神仙似美人玉璽未沉東海月

公精篆刻曾為

尚璽郎芝華長映霸陵春賢郎不墜風流緒相見江

東愛葛巾

舊京感懷

羽翼秋高未奮飛移家偏向帝王畿文章總為先

朝作涕淚私從舊內揮燕雀湖空芳艸長臙脂井

滿落花肥城邊亦有陰山在怪得風沙暗翠微陰山

在江寧縣西南

內橋東去是長干馬上春人擁薄寒三月風光愁裏度六朝花柳夢中看江南哀後無詞賦塞北歸來有羽翰形勢祇餘杯土在鍾山何必更龍蟠

汝南灣逢張薇菴作

風流多在汝南灣汝亦張融日往還山水尚容高士得鶯花且與故人攀東吳隱逸無菰米南越文章有白鵝將子共修彤管業書臺及此一春閒

贈陳二游

白首三才象數中精微應與古人通五星未可傳

張耳十日行當射有窮野渡微茫春沒水山樓彩翠晚含風殷勤喜有鉤玄客相對南朝古寺中

采石題太白祠

才人自古蛟龍得太白三閩兩水仙辭賦已同雙日月精靈還作一山川江間絕壁丹青出木末飛樓俎豆懸千載人稱詩聖好風流長在少陵前朱紫

陽嘗謂太白聖於詩祠上有亭當翠螺山頂子因題曰詩聖亭

英雄有命在文章豈惜飄零蜀道長談笑不須同太傅功名自可與汾陽青蓮一去無仙客金粟重來只醉鄉白玉盤中雙照影輪君華髮似秋霜牛渚西江月色新清光長見謫仙人詩多諷諫因

天寶道在佯狂得季真金鉉已銷飛燕口錦袍空  
映鳳凰身垂輝不用多刪述天與英雄只老春  
樂府篇篇是楚辭湘纍之後汝爲師烏棲豈寫亾  
吳怨猿嘯惟傳幸蜀悲烟水蒼茫投賦地霜林寂  
歷禮魂時重華一別無消息終古龍魚恨在茲  
送甘榘齋返豫章

嗟君一別釣魚磯江左飄零道欲非有計且須還  
栗里無名何必學蒲衣君換無名高士傳鷹風塞上驚初  
起蟬露林間幸未晞令子聲音清老鳳芙蓉九疊  
拂雲飛

### 白髮

白髮垂垂歛水濱逍遙真是葛天民西山大藥來  
童子南極春星媚老人一朵芙蓉生鶴頂千年琬  
珀在龍鱗只今黃綺都臣漢采采芝華孰與鄰

### 柘江答董子

海上山川稱白苧江南風雅羨吳淞夫君久適尊  
鱸興兄弟還開綺靡宗芳草綠深三白蕩流鶯飛  
滿九芙蓉玉杯篇就應相寄此日春秋在二禺江  
號白苧城陸機柘江人其文賦云詩  
緣情而綺靡董子兄弟並工詩故云

### 京口春望

海上雙標浮玉峰潮聲處處應疎鐘江山寂寞雄  
風在吳楚蒼茫積氣重天塹至今容飲馬石城他

日定飛龍南朝有恨歸烟水酒爲傷春一倍濃

次燕子磯作

半壁斜開紫翠圍中流橫作釣魚磯沙洲定爲真  
龍長鐵纜難迴燕子飛江北每傷當日棄南陽長  
恐故人非東流不盡興亡恨淚洒秋風一棹歸長  
沙洲抱磯長可二十餘里東蔽江口不見洪流磯  
勢外向國初占有外藩不臣嘗以鉄纜維繫之

答睢寧崔丈

睢寧自古英雄地城外洪河接渺茫黃石至今存  
老父紫芝何以慰君王文章亦是商周物服食無  
如日月光相對淮南悲歲暮蕭蕭風雪一銜觴  
送李子之官建陵

禹王祠畔思依依君向疆場我掩扉老去驂騑終  
自市饑來鷹隼傍人飛才高且作神明宰家近休  
言孝養違風好定知雙掛席桂林秋共雁南歸

悵望爲家禮部兄賁士兵部兄泰士作

悵望滇南殺氣凝十年龍血已成冰紅霞尚自依  
行殿白草無從問義陵諸葛但教兄弟在文淵應  
見帝王興艱難六詔歸來日花萼名高世所稱

答富平田十五

逢君如上玉山行少小才華儼漢京已有笙歌要  
五夜還勞鞍馬過孤城吟辭楚國江離秀醉倚頻  
陽石凍清猶有先臣奇服在歲寒無使朔風驚

贈水師某總戎

將軍南建海門牙幕府東臨若木花白馬潮來驚  
日月天鷄聲起亂雲霞三城帶甲隨秋戍千里樓  
船奏暮笳早晚行人返桑梓沉香浦上託為家

九星巖

星巖勝槩甲瀧東玉乳泠泠下碧空萬壑芙蓉生  
洞穴千林薜荔隱房櫳雲根氣作朝朝雨石角聲  
含夜夜風巖有石窠吹之琴鶴相隨宜此地振衣  
時上玉虛宮

永安州道中作

蒙山蒙水古蒙州烟瘴千年毒未收  
撞女盡能欺

虎豹欄房一半與豬牛畬田處處燒陰木水碓家

家截上流無限鷓鴣啼不斷未行先憶故鄉樓自

浦至平南民僮雜居不可辯識大抵屋居者民欄  
居者僮欄以木架起如樓上以樓人下以樓群畜  
名曰欄房亦曰高欄狼則不然自荔浦  
至平南多撞人自海陽至貴縣多撞人

黃鶴樓

樓為獻賊所焚今移  
故楚府救書樓重造

魏魏猶是敕書樓朱邸移來歷幾秋黃鵠不將仙  
客至白雲空為楚王畱三年士苦長沙戰萬里人  
含落日愁芳草莫重悲賦客江邊鸚鵡已無洲

贈漢陽羅生

白雲紅葉漢江濬屈宋精靈應在茲人似女巫多  
姣服天生南楚好微辭雙吹玉笛招黃鵠一變離



騷作竹枝神禹廟前波浩淼繫舟同讀嶽山碑

婁上別王鹿田

白鶴孤飛向九皋無家不覺此身勞梁鸞豈必妻  
能敬梅福何須壻亦高諸將只今多繡鬢遺民自  
昔一方袍相思屢過婁江上風雪依依戀羽毛

三十餘年服沙  
門服無家室

泖口跨塘橋吊黃門陳卧子先生

舟出吳淞烟水遙黃門懷石此塘橋三間日月光  
相映一劍乾坤恨未消泖口尊鱸淹過客雲間風  
雅憶先朝慚子後死空詞賦慣向江南放大招

送丁子同兄觀察之贛南任

花萼才名起八閩文章最易動星辰月明三卜秦  
淮夜梅發雙行大庾春孝友卽同張仲飲謂寧都魏氏  
芬芳先與楚人親離心半逐征帆去秋色相期贛  
水濱

贈南康倫太守

江西山水首南康太守流風復紫陽一畫自能知  
日月六經原不是文章天邊瀑布懸談麈雲際屏  
風繞訟堂咫尺肯容徐孺否全家欲住蠡湖旁

答星子令

芙蓉九疊縣西鄰爲政風流羨子真白鹿洞名朝  
賢太守青鳧夜逐古仙人思從弟子爲都講欲向

東林作逸民栗里溪中餘醉石相畱高卧過三春

天門山

秣陵門戶是天門雙峙天邊紫翠屯落日雲連牛

渚暝中秋潮長小孤痕潮汛至大通而止惟元夕中秋可達小孤千年

王氣從今起萬里江聲至此吞南北自來爭采石

開平功業與誰論采石有開平王廟

螺磯謁靈澤夫人廟夫人孫權之妹漢昭烈皇帝后也昭烈崩問至

自沉螺磯

靈澤夫人死漢家何殊二女殉重華瑤姬一自辭

巫峽精衛千年恨海涯國賊豈能分曆數天威猶

自振褒斜永安哀詔驚聞日飛淚應沾白帝花

一逐長江下楚雲翠華望斷淚沾裙少康興日因

姚氏帝乙歸時是女君花落錦城先主憶月明瑤

瑟逐臣聞徽稱不媿同昭烈終古螺磯享紫芬

白嶽

拔地香爐是一峰長雲繚繞帝城重千年楠樹青

霄出百尺龍牀碧蘚封巖岫影連天子鄣風泉聲

亂羽人鐘天門久坐飛花上鸞雀紛紛不可從嶽頂

玄帝殿有額日雲裏帝城

驅馳

驅馳未覺始衰年窮似扶風且益堅笑為神州加

飲食愁歸羅嶠卧雲烟月含疎雨光微冷花得清

江影亦妍白髮不須催老大河清應在杖鄉前  
從沔鄂將歸先寄故園諸子

歸來依舊一船書妻子浮沉兩載餘就暖又隨南  
海雁承歡惟有武昌魚羊裘天肯畱男子玉佩人  
休媿女嬃中道裁詩先寄語相知多半在扶胥  
相思莫遣鷓鴣來咫尺南中見越臺雪至三城頻  
作雨花生五嶺總成梅離支酒為高堂熟孔雀屏  
因上客開歌舞人祠東莞伯閒同珠浦一徘徊

姑孰道中遇施虹玉返新安時聞其親患病

姑溪相見即分飛迢遞新安觸暑歸藥石分將慈  
母苦鷄豚餘得故人肥蘇耽亦念家中井萊子頻

沾道上衣此別茫茫珠海上書來先說是庭闈

贈姑孰楊太守

月出江天似白雲風流不見謝將軍狂歌自有仙  
人在高調惟應太守聞城外潮聲牛渚合閣邊山  
色翠螺分并刀莫剪玄暉練此日金波屬使君謝宣

城有澄江靜如練及金波兩鳩鵲之句

贈王當塗舉陰人

舉下諸王我主人使君家有嶽蓮春神明肯作當  
塗令文采思為太白鄰鳥影飛歸仙掌杳琴聲流  
出玉泉新殷勤教化三年後鸞鳥將同子弟親

歸越書懷代景大夫作

携家兩載適東吳，虎踞龍盤待霸圖。門下未甘長  
缺在橋邊，不歎大家無。西川欲去因先主，南越頻  
歸爲老夫。展轉無成空白髮，養親依舊一屠沽。

經羅紫山望拜文信國墓

宗臣祠墓草離離，羅紫山前世罕知。萬里丹心懸  
嶺海，千年白血照華尸。信國殉節時，頭湧白血。遺民但作西  
臺哭，謂謝皋羽。山鬼猶歌正氣辭。長恨春秋人不識，如  
公方可配先師。

寄王蒲衣

只今亦有蒲衣子，雲卧南當大虎門。詩筆真如珠  
子樹，書籠長見鳳凰孫。謂羅浮大蝴蝶也。袈裟豈得畱高

士，响屨何如在故園。紫水歸人方咫尺，玉臺巾好

且相存。

白沙先生居江門，嘗稱紫水歸人，其中象玉臺山爲之。

萬安縣道中

南風九月未生涼，漸近炎天豈有霜。已見鷓鴣來  
大庾，更聞鴻雁自衡陽。灘愁惶恐當前路，山恨零  
丁是故鄉。北塞頻歸南塞上，祇應雄劍識肝腸。

寧都魏叔子季子隱金精山詩以寄之

螺川南上更登巔，灘盡高臺見鬱孤。秋氣驚來江  
上早，雪花吹到嶺頭無。天畱一劍知何意，人在三  
門尚有徒不嫁。長沙仙女好金精，高卧亦良圖。

上十八灘

灘口雲峰萬朶迎崩波直下虎頭城聲含亂石雷  
霆怒光出陰崖日月生天險豈容南越得時艱先  
使贛江清橫穿瀑布三朝暮上盡黃牛水未平  
雙帆傾仄入洪波勃敵其如巨石多水底風雷爭  
噴出煙中林岫暗飛過蛇蟠有氣吹黃葉猿飲無  
聲下綠蘿未至儲潭猶險在且從中道玩巖阿

下十八灘

亂水砰磅鬪不開波中壁壘半崩頽灘高似倒三  
秋雨石小偏含萬古雷險盡始聞惶恐至下灘至萬安縣  
南有惶恐灘驚多只望萬安來蒲帆幾逐峰巒轉一曲  
纔能酒一杯

驚濤高下勢相傾風到灘頭益有聲半捲水花成  
白霧全吹雲氣入空城時來身爲高堂健事去心  
將寶劔明一曲武溪如有分不妨遲暮更南征

閏八月十五夕舟次贛州

歲時難得閏中秋樽酒應寬此夕愁江至金灘章  
貢合月隨銀漢水雲流頻將白髮辭梅市只爲高  
堂在藥洲萬里碧空勞騁望漢家今有客星畱

贛州弔丙戌忠節諸公

城南殺氣似黃埃三十年間黯不開腐肉猶香章  
貢水忠魂多在鬱孤臺三宮未得憑天險十里徒  
然設地雷秋色豈堪重眺望乾坤處處白龍堆

贈南安某別駕

西江地至南安盡五嶺門當二庾開使者功名畱  
玉枕山名將軍梅鎬也湯沐有紅梅驛名三城客子浮家  
至一代詞人佐郡來交廣春秋新著就殷勤花下  
待君裁

度梅關作

苦恨秦關一道通人如去雁與來鴻梅花但為臺  
侯植錦石難同陸賈封五嶺繇來稱塞上三城久  
已作回中越王謂句踐留得多豪俊戰敗屠睢最有  
功

八度人關逐雁飛寒門北去暑門歸黃金結客無

衣食白首為家有翠微天下侯王須漂母先朝臣  
妾盡明妃頻來空使梅花厭未見龍沙一奮威梅關

上有額日人關

度嶺贈閨人

雙雙抱子度梅關二婦空將二婦還大別魂來秋  
月下秦淮骨在暮雲間兒孤自逐黃泉母人老難  
當白玉鬢到日高堂應涕淚好持魚鱠更承顏  
三度携家此嶺頭閨中秦越各歡愁無多骨肉貧  
猶別不盡關山老更遊玉枕山名頻同新婦夜紅梅  
已謝故人謂華姜秋平生蹤跡希梁孟欲把吳門作  
首丘

吳楚烟波共溯洄三年免上望夫臺市門不獨居  
梅福堂下依然戲老萊荔子復承丹口笑扶桑重  
爲玉顏開三雛嬌小隨行役解作吳音勸酒杯  
嬌女新生字阿京還家添得笑啼聲平陽自是千  
金橐織素空携萬里行弗子未能忘伯禹非男亦  
可慰淵明中年至性傷哀樂陶寫難憑絲竹清太  
女名平陽太  
冲女名織素  
情多兒女易流連五十猶遲寡過年吳札未乾羸  
博淚左思頻有惠芳惠芳亦憐將雛且度梅花棧  
養母難營漲海田憶作啼鳥棲白下依依宮柳拂  
寒眠

啼鳥愁自白門歸故國樓臺慘夕暉無主豈能生  
羽翼非時安可舍芝薇蛾眉忍作要離劍蝶翅堪  
裁葛令衣自古仙人貴偕隱不關恩甚戀閨幃

韶陽舟中作

韶陽怪石夾江多松樹枝枝若女蘿亂削山簪皆  
碧玉橫牽水帶是青羅盤盤馬逐峰巒轉曲曲舟  
穿洞穴過行客最憐鄉國近白頭膝下得婆婆

九日與客登潮泉山觀潮泉作

有序

山在清溪驛東五里泉從石穴湧出聲如沸雷  
泉大者爲雄小者爲雌一雄長則一雌消日凡  
三長三消消則涓滴都絕若此地從無泉水者

惟秋冬間泉無消長乃有細水長流寺僧謂此  
泉下應海潮然秋冬間海未嘗無潮而泉顧不  
應之何耶湛文簡嘗稱爲靈泉有詩刻石今存  
峽口千峰紫翠招維舟且復上烟霄山無旦暮含  
江雨泉有雌雄應海潮四座花飛爭上酒中流裕  
卧忽成橋幽尋正及登高節一路秋光逐畫橈

自韶陽南下三峽作

三峽滇陽峽最長人從天上轉羊腸林中洞穴空  
聞響花裏烟霞亦有香萬古哀猿催淚落一秋明  
月助神傷還家未敢窺青鏡鬢有陰山一片霜  
六瀧三峽南中勝漁父相將幾溯洄九曲青峰隨  
水轉千重翠壁夾天來泉衝棧閣時時斷花映船  
窓處處開最是北禺堪嘯詠軒轅帝子有書臺

憶代姬

梅子山連大別長代姬墳上草新香三關挾爾歸  
南海五嶺從予至漢陽命薄自應先曉露魂孤莫  
漫涉清湘懷中孩笑愁相伴何處黃泉是故鄉  
慘淡風沙上玉顏當年哭度雁門關女君亦是秦  
川產夫壻頻將粵海還青草未能消瘴毒白楊那  
得種鄉山淒淒漢口清秋月長爲歸魂照珮環

五十生日在九江舟中五十又一生日在韶  
州舟中有賦



兩年生日舟中度笑共妻孥倒綠樽五嶽未歸非  
子女三公不易是雞豚匡廬雨過晴川濶韶石雲  
開玉闕尊五十正當而慕日白頭喜共北堂存

過某明府金紫山莊作

解組歸來已有年韓城猶憶使君賢家鄰大庾因  
梅樹夢繞羅浮為酒田令子秦人矜勇力新姬吳  
女鬪輕妍蘇卿墓上松南向美爾曾攀漢代煙君生

壽龍江蔡丈

東樵中有老人峰移入西樵紫翠重春酒正同飛  
瀑瀉芝華長有白雲封楚丘神智年方壯萬石尊

榮禮益恭膝下珪璋多令子君王几杖待相從丈家

近西樵

過華林寺作

芳華舊是劉王苑咫尺鵝潭見海天蝴蝶繭從仙  
嶽至菩提紗向帝京傳光流故國餘明月魂傍孤  
城作暮烟春草似含南漢恨依依隨客到花田羅洋

大蝴蝶皆從繭出以菩提葉漬為紗宛似霧縠僧人嘗以寄遠

長壽院外眺望作

珠海當門月倍明雌雄水底應鐘聲白鷺潭底有鐘每與五仙

樓之禁鐘相應名雌雄鐘風飄梵響千家滿雨散花香兩岬清

洋舶通時多富室嶺門開後少堅城霸圖消歇無

南武悵望朝臺古木平

七夕詠璇璣圖

佳人織錦按河圖天上璇璣得似無  
文字能令琴瑟好風流悔使蕙蘭孤  
牽牛此夕逢天女白兔他家憶故夫  
手爪如君皆巧絕更誰山上采薜蘿

歸自淮陽喜見元孝金吾

嗟君玉貌晚逾鮮能處重圍是魯連  
金馬自昌忠烈後錦衣還在聖明前  
彈琴不作拘幽操扣劍惟歌獨祿篇  
我正東求倉海返相逢尊酒夜頻傳

和藥亭人日得白鸚鵡之作

來自西洋白者稀炎天冰雪積毛衣  
黃花頂上開

難已

頂上有黃毛客至毛輒開成蓮花形謂之開花

玉粒籠中啄不肥皎

潔應為高士得疎狂每恨昔人非  
謂稱一從佳節逢人日飛向君前更不飛

贈林沂澤

國事驅馳早累君雄兒意氣薄天雲  
秦皇正苦蘭池盜劇孟能張下邑軍  
髯美定知仙福至身榮先使父忠聞  
明年仗策還東北豪俊相從半虎賁  
江南塞北久離居共是勞人憂患餘  
避地長桑今有里逃生廣柳昔無車  
橫天太白光何用貫日長虹氣未除  
烈士只憂遲暮至唾壺擊罷莫踟躕

讀史答陶苦子

頻年踪跡空吳楚，不恨無成又故鄉。  
飛兔誰知天下士，伏龍終遇漢中王。  
棲遲豈有烟霞疾，夢寐長依日月光。  
黃菊只今非苦節，年年花發及春陽。

過梁氏園亭作

木葉微紅未覺霜，歲寒梅菊兩爭香。  
枯無冰雪真甘節，雁有菰蘆卽故鄉。  
北地詩篇今日少，東溪經學一家長。  
因君孝友頻相過，更乞驚鸞字幾行。

東溪先生詩文重講學

東官知己未凋零，五十如君髮尚青。  
相勸金膏營服食，更持香燧事沉冥。  
多年天醉忘鶉首，兩度人歡見彗星。  
玉蝶梅開誰忍負，新詩頻與寫芳馨。

甲辰復見庚申

贈林孟易新築

之子端居亦學禪，新開丈室市亭邊。  
光吞萬象非明月，香散千葩是淨天。  
大小羅浮當戶外，東西江水到門前。  
天親無着多兄弟，共話無生及暮年。

嗟君獨有惠芳妍，纔詠桃夭卽斷絃。  
從父早敦黃鵠節，教兒先補白華篇。  
維摩座側惟天女，王母池頭是萼仙。  
他日尚書勞口授，漢皇恩賜及嬋娟。

有女性聰慧知書早寡來歸今守節十餘年矣

送方卽山之西寧

瀧州田土最膏腴，爾去躬耕且一區。  
隴上不妨鴻

鵠在山中應與虎狼俱緇衣世外還將母白髮堂  
前好弄雛萬里歸來吾未倦相尋同作列仙儒

贈蔡平叔姻家

君年三十頻生子已有公沙第五龍珠母飛來從

合浦鷓鴣生處是南禺西山文獻傳先代白市簪

纓展大宗前輩詩成東莞集如公著述更從容

平叔為九峰先生沈之後所居東莞白市近撰東莞詩集表章本朝先輩值其第五子周晬日故及之

贈友姪陳贛新婚

先公巖野先生日月光輝在乃父元龍鸞羽翼長碧血

人欽司馬烈朱衣天與漢家香承宗喜有湘蘋婦

執管母為画黛郎舊賜儘多弓矢在射餘鳧鴈更

天狼

贈友姪林貽燕兄弟

林屋懷君好父兄重來莞水不勝情龍媒競蹀風

雲起稚子齊斑錦繡成花到炎天無月令鶯當大

雪已春聲文章莫但高吾黨乃祖先朝最有名

東莞人嘗稱某家為某屋故貽燕之家稱林屋其季父叔吾又以西洞庭有林屋洞天因顏其堂曰林屋

草堂

夜泊大濫作

月出依稀海霧消鷄聲催上虎門潮長星夜夜穿

河鼓殺氣年年貫斗杓興廢久知他日事清高終

立故人朝天心咫尺勞相告欲為林泉破寂寥

弔岷

虎頭門外二洋通想像精靈滿海東  
一代衣冠魚腹裏千秋宮闕蜃樓中  
乾坤開闢無斯變龍鳳驅除亦有功  
萬古人倫能再造高皇神烈自無窮

南海神祠作

扶胥江口水微茫簫鼓人祠百谷王  
萬派洪濤朝漲海千秋絳節奠扶桑  
參天花倒龍宮影浴日亭浮蜃氣光  
聞道漢皇東渡急馮夷先為駕鼉梁祠旁

有浴日亭

夾江銅鼓響天風春半家家祀祝融  
神次最尊南海帝隋時初築虎門宮  
波羅花落蠻娘拾獅子洋

開估舶通漢代樓船零落盡何時  
重見伏波功

黃龍洞尋南漢天華宮故址

在羅浮

英雄割據未全非此日龍川霸氣微  
輦路已隨秋草沒歌塵猶作綵雲飛  
美人何處還金殿壯士當年盡錦衣  
一自諸陵風雨後空留杜宇怨斜暉

登圭峰頂望崖門

悵望江門烟雨濃先朝空有玉臺鐘  
湘妃萬古餘斑竹望帝三春在碧峰  
揮斷金戈時已盡歌殘薤露去無從  
天邊島嶼多遺殿綠草離離積幾重

熱水泉

在電白之西三十里

溫泉一線出寒泉五月炎風吹有烟  
流入清溪穿

叠嶂聲含細雨亂高天清涼昔向驪山浴蕭爽今  
來電白眠更喜石牀長數丈官亭東畔翠林邊

贈潘仲子新婚

繞膝芝蘭爾父多衣憐仲子舞婆婆夫妻桃李酣  
春日兄弟鴛鴦戲綠波苜蓿廣文先生之子盤香勤進饌  
芙蓉闕近緩鳴珂新開湖鏡當門外讀罷相携影  
翠娥

過某少府

時自南雄攝東莞

梅花國裏賢司馬為政風流今在茲陰雨頻膏來

碧甲

水名在東莞

廉泉獨酌向黃旗

峯名上有廉泉

八龍

君行

才地西豪出雙鳳聲華北闕知漢代循良吾欲傳

相逢恐識使君遲

畱別南雄某別駕

別駕多才盡不如南來初下白門車六朝春色歸  
辭賦五嶺梅花繞簿書玩世堪為濠上吏浮家莫  
羨武陵漁時子將往沅湘江南一片萋萋草愁絕王孫失  
路餘

賦為白下禪師壽

白下歸來謁大禪祇林西近素馨田談花亂與天  
花落心月孤同海月懸得法先師惟寶鏡求詩弟  
子是青蓮當軒一樹朱薇發為說無生儘意妍  
嗟君鬢髮得髮鬚鷗鳥相將戲水涯曾遇仙靈多

秘怪未呈文字已才華六朝僧好無榮國一代禪  
高是大家客至堂前都解笑不須重舉妙蓮花  
十丈山茶與海榴枝枝從不與春秋生憎寶掌空  
長命每見湘纍欲白頭比興總超唐手筆丹青兼  
得晉風流杖人高弟真慚我佛祖叢中不可留與師  
予同出覺杖人之門

送藍生還閩

書畫風流是晉人而翁草篆更通神無多歲月容  
高卧不盡烟霞換老春災異休驚星屢變光華行  
見月重輪離支不減侯官美珠海重來訪隱淪

七夕家舍人兄奉

命歸娶賦贈

巳丑舊作

仙郎初授秘書回帝賜乘龍夜宴開銀燭光分鳩  
鵲殿玉簫聲滿鳳凰臺雙星亦向天河渡五夜無  
令花漏催京兆新眉如畫就早將銀管入蓬萊

寄魏處士

女中高士金精卧君亦狂歌在上頭王蠟自能存  
社稷許衡那解讀春秋青天一半開奇石白水千  
家截怒流教授莫辭多弟子異時王佐有人求  
初至漢陽賦贈王別駕

鸚鵡洲西却月前茫茫江水接空天郎官佐郡還  
三府夏口行春已六年北闕早知廷尉直南樓重  
見庾公賢漢陽有樹皆楊柳未識棲鳥向那邊

和嶺南副使將上匡廬之作

憲使心懸布水臺征帆遲向蠡湖開蒼蒼五老雲  
間待冉冉雙旌洞口來明月且圓居士法炎天方  
倚大夫才簪纓未盡君親事暫拂屏風九疊迴

贈南雄某總戎

秦時南塞此雄州鎖鑰憑君控上游霹靂泉邊開  
大帳梅花國裏坐臺侯家存兩代山河誓地接三  
城鼓角秋幕府只今才子在移家吾欲傍風流

寄靜公郡佐

君爲別駕亦諸侯近自邕州轉柳州兄弟雙江分  
左右蠻厓一旦識春秋雕弓旣在龍城出

柳州出好弓

銅鼓還於象郡留東粵故人相憶甚題詩應寄五  
仙樓

寄陳獻孟

烏蠻灘水接牂柯汝上橫槎爲伏波東粵詩從西  
粵好左江愁比右江多持觴日日傾鸚鵡學射朝  
朝試橐駝歸覲高堂當歲晏白頭相望在浮羅

徐君自江左來廣賦贈

秣陵城北是花城花到君家色倍明黃菊去秋容  
我摘白鷗今日逐人迎秦時梅嶺猶天險漢代格  
臺亦帝京憑弔定知紛涕淚江南人物本多情  
牂牁一夕下炎天珠浦維舟水驛邊漢使光輝思



陸賈越王讎恥在梅銷羅浮蛺蝶元稱鳳南海萑  
蒲亦得仙勝地招尋應不遠城西卽是素馨田

賦答賀子并贈其行

珠海中流有海珠石名木棉多是女珊瑚黃金客自  
趨南武香草人誰問大夫牖戶忽來朱鬣馬壺漿  
頻與白頭烏情深豈是憐詞賦異日瓊瑤報不無

贈孔令

嗟君作令樂昌城可似三瀧水至清黃帝方書須  
變化素王苗裔必神明丹砂縱好非仙物紫菊頻  
香是玉京聞道靈谿多美釀持來應著葛巾迎  
韶陽山水首瀧中趙尉城臨武水東几席未能留

孺子干旄應復過君公天生鸞鶴元無食人被芝  
蘭尚有躬珠浦帆開頻送送循良期與建元同

送孫子還建業

中山臺館枕青溪咫尺君家碧草齊南苑花多愁  
馬食故宮槐老羨烏棲爲鄰異日臨朱雀航名贈別

炎天有錦雞王謝最饒知己在玉壺重約及春携

張慈長爲予作畫像詩以酬之

丹青且復繪新圖飛兔猶存玉貌無豈有人驚非  
好女絕愁天使作仙夫心傷蠶髮西歸少淚洒龍  
髯北望孤異日長康能想像雲臺亦畫一狂奴

懷蔡大敬

越王自昔多君子意氣相傳直至君月向湘湖爭  
皎潔花從梅市失清芬無窮香草歸詞賦不盡愁  
心與水雲佳麗最憐西子地生才長有鳳凰羣

懷浙東毛君

蕭山才子推毛蔡可惜風流出處分翁主不將黃  
鵠舉夷光空與紫鴛羣耶溪香滿非荷葉鏡水光  
多是白雲宮體只今誰絕豔六朝人在定憐君

柬徐君

五十方知學易高神仙不復說盧敖天開日月爲  
文字人在雲霄是羽毛太舉寒泉雙玉井徐秦人炎  
方碩果一蒲桃蘄陽象旨知君得白首無辭搦管

勞

蘄陽郁彬如先生嘗夢真人潘茂名爲談  
周易因著郁溪易紀以授徐君及郭清霞

得郭清霞書言欲歸老羅浮詩以速之

已報羅浮四百君君歸重挹翠氤氳金精不嫁長  
被髮玉樹無親但抱雲象數早從仙易得文章應  
使世儒聞芙蓉砂好皆塵垢丹竈何勞吐紫芬郁

生既得真人潘茂名易學之  
傳因建仙易亭以祀真人

秦風最善詠蒹葭我亦伊人在水涯南越重來應  
有主朔方一別遂無家仙人棲託元東莞令子絃  
歌是白華同在瀟湘吾獨返相思頻寄海天霞君

夏人曩居東莞甘貧樂道  
兒女並不婚嫁人以爲難

贈家泰士兄

與爾同庚白髮先，鴈行零落淚痕邊。遺臣最熟雲南事，私史長書大曆年。枯在不妨霜雪苦，梅開益使水雲妍。高文典冊憑君手，更補從龍傳幾篇。同出三閭是大宗，兩枝花萼一芙蓉。芝英自可安鴻鵠，玉鳥何須戲祖龍。南屈文章當代少，懷王子弟異時封。白頭相對衣冠偉，蘭芷香飄滿碧峰。蘭橈日夕向江潛，骨肉纏綿及此時。天有南箕爲傲客，人逢西漢重騷辭。驩驪老識天飛路，蛺蝶閒懸羽化期。暇日一尊歌出塞，封侯最美得闕氏。漢用

時涉輕侯事

玉樹連枝勢每分，鸞皇咫尺苦離羣。雨中獨有佳

人日風外誰知帝子雲，秦末神仙多上策。漢初豪傑少私軍，年來寂寞慚金劍。屠釣相從最憶君，麕衣散髮亦逢迎。高簡空馳世外聲，豈有林宗能絕俗。自來巢父不知名，稻梁人肯肥閒客。粵人謂白鵬曰客薇蕨天猶靳，寡兒無限微辭寫哀怨。湘纍子姓總多情。

### 賦贈元孝仲已叙吾三子

碧血先公入地深，平生空抱復讐心。頻教令子驚天馬，更待孤兒隸羽林。慈孝自應難北面，絃歌人愛是南音。白頭多少西州客，一廢莪蒿直至今。

### 贈劉氏武姑

卿是昭平抑富川綠珠鄉里總嬋娟未生雛鳳仙  
難學會與蘭葩帝自憐載向南京幾萬里攜來西  
粵又三年相將負戴何曾別老得紅顏體益堅

贈梁氏文姑

白頭方得一鵝雛卿笑生稊是老夫人似東方頻  
割肉地當南海每胎珠花香定釀君姑酒月皎須  
投帝女壺長恨妻宮居寡宿中年已失兩羅敷  
聞前州守王君談德慶山川之勝詩以贈之  
兩峽吾憐大小湘嘉魚十月作羨香越城靈怪傳  
龍女漢使風流在錦塘萬里滇陽來士馬一年南  
武有衣裳君爲刺史如馳驛誰使神君不得長

白鵬

一夕秋風墜井梧雌雄無葉兩身孤樊籠豈似青  
山好毛羽猶如白雪無孝鷓娛人頻吐錦文鸞報  
主亦銜珠情多更似收香鳥日夕簾間就彼姝

美女篇有贈

佳人高義重求賢不逐明妃去朔邊青紫人驚奇  
女氣光華天與宓妃妍沾濡只是嫌多露燕婉何  
須及盛年尚有多情雙紫燕芳春相伴畫簾前

授經耿參藩署中值其生辰詩以爲壽

白鵬亦作諸侯客朱萼堪爲處子師張仲頻來因  
孝友徐襄長在更容儀無爲豈敢言黃老有位須

教誦素絲介福喜從王母受堂前同慶日華遲與君

其母夫人生日皆在八月

### 贈丁秋水

東宮畫手高吾粵君作翎毛更有神長慮鴛鴦飛入水復愁蝴蝶去隨人香從兒女求生結花向仙靈得大春紅翠白鷗多見與吾生鸞鶴最交親

### 廣州弔古

山川靈氣會都司舊作佗宮枕海濱一自名王來駱越至今蔓子是屠耆無才絕道稱南武有恨祠天殺貳師邸第荒涼餘白草牛羊躑躅為誰悲白雲山下即龍堆舊日丁零大帳開奇畜盡從沙

漠至遠人兼帶雪霜來無多越女留炎微不斷明妃去紫臺朝漢有誰還朔望雕青蔓子在蓬萊三峰飛入越王城上有呼鑿古道平氣似穹廬千里接風飄笳鼓一天清裨王父子為燐火絕塞牛羊自盛京山鬼招人歸白墓日斜林外有歌聲

### 贈邵湛生時與邵君同授經

歡友相將此下幃童蒙爭拾杜蘭歸楚人風雅多漁父漢代春秋在白衣東越暫為南越客白鷗終逐黑鷗飛射佗嘗獻漢高帝白鷗黑鷗時經秋光萬里邀同賞坐久天河影漸微

### 郭清霞久客常德山中詩以寄之

清高只合漱朝霞飄泊何須歎暮花日月亦爲天  
地客山河未有帝王家長臨澧浦因芳草漸近黔  
陽爲好砂幸得山深人跡少不妨兒女似麕麇

題鄧氏山樓

樓外羅浮紫翠濃焚香日禮老人峰高堂已似商  
顏皓令子還同萬石恭花萼三珠含雨露鳳雛千  
仞上芙蓉清秋相訪來珂里兼喜文章有大宗

荆門詠古

荆門一戰建奇功王氣蒼茫起渚宮歸楚諸侯尊  
義帝亡秦三戶記南公蚩尤兵勢雷霆似牧野仁  
聲筐篚同自古王侯那有種寄言閭左盡稱雄

壽東莞周丈

當年五老園中客文采翩翩號石林此日尋仙從  
地肺知君觀易得天心梅花亂點宜春酒桂樹多  
棲擣藥禽戶外羅浮峰四百殷勤一日一峰吟

再至東莞感舊作

白首重來莞水濱香農相見益相親家家一瓣能  
分客處處雙烟解惹人花盡不須尋舊館琴存且  
復拂流塵芙蓉自古多無實枉怨秋霜妒白蘋

懷仙曲

花入高雲月上天美人相繼作飛仙棺中綵履留  
何處臺上青禽去幾年織錦悔教來粵嶠鳴箏休

更問秦川鴛鴦最是多愁思未到黃泉已化烟

小兒小女

小兒小女五齡同戊午同生二月中朝夕甘肥分  
祖母東西流落逐而翁方離襁褓休催老未教詩  
書且養蒙角髻青絲雙繞膝平陽衣綠伯禽紅

壽洪水部

翠華當日駐崑臺君作曹郎已見才天為祖宗  
畱大老人從烟水得深杯花爭作酌穿橋出鳥喜  
收香入戶來龍馬精神誰得似七旬今正離珠胎  
為陳茂才母翟太君壽

高堂花發是長春吾母同庚亦甲辰萊氏弄雛娛

娛白髮荀家多子足朱輪草書神妙分先哲蘭膳  
馨香及大賓溪上茅茨居勝地枝枝慈孝更霜筠

林沂澤五十又一生日詩以贈之

兒女催人鬢欲霜知非又度一年強能將孝友為  
喬木更有精誠返夕陽棋賭水沉花閣靜杯擎金  
露柳橋涼功名自古歸屠釣那得逍遙到杖鄉

過石霜園林作

棠梨溪接遠人村

園有額曰遠人村

四面煙波是鏡園

是舊

鄧少參雲霄鏡園

一代沉冥惟綠酒中年寂寞日青門花

知白髮爭相笑鳥識清機獨不言移得參差多怪

石峯巒盡讓大湖尊

豐浩舟中春望作

喬木村村是木綿荔枝林裏出炊烟山痕青入寒  
天遠水氣黃含落日鮮一棹暮歸驚宿鷺孤齋春  
臥畏啼鵑江山如此無人恨歲歲花開獨愴然

壬戌清明作

朝作輕寒暮作陰愁中不覺已春深落花有淚因  
風雨啼鳥無情自古今故國江山徒夢寐中華人  
物又銷沉龍蛇四海歸無所寒食年年愴客心

王生訪予東莞贈之

嘗從令祖求仙訣杖屨相隨四百峯書愛蘭亭精  
用筆坐憐華首臺名靜聞鐘諸孫最長來雛鳳玉嶽

求師得老龍文采翩翩知舊德侍郎家學在溫恭

聞張將軍為僧賦寄

將軍一旦著緇衣狐死類令兔見幾江左近辭

高帝寢武陵遙叩故人屏

故人謂郭清霞時清霞隱常德山中半生

春夢何曾足垂老雲游尚未非富貴繇來多不義  
定知回首淚長揮

焚香作

夜夜焚香到曉鐘鳴琴亦未綠塵封詩因五嶽辭  
多怪酒得諸花味更濃欲補圖經先太舉將營服  
食首喬松乘時未敢頻為客燕雀卑栖且一峯

叔祖崇薦翁九十壽恭賦



天留南屈在沙亭烟管峯臨漲海青先祖遍栽長  
命樹曾孫頻作老人星太宗祠啓來昭穆春酒筵  
開肅典型亂插桃花方朔喜三千花實信仙經

贈劉明府

不惜京華謁選遲吳門先去訪人師乘閒更作神  
明宰學道偏宜孝友姿紗帳高堂雙壽母羽林前  
代一孤兒相逢數問先公事淚洒龍蛇失路時

人諱肇其  
封安國公

香鑪峽謁惠妃虞夫人祠

夫人虞氏英德人  
唐末與黃巢戰勝

之尋陣歿宋嘉定間救日夫人生能摧黃  
巢之鋒歿能制尚蠻之寇封為正順夫人  
樹碑於廟

南越自來多女將虞夫人與洗夫人英雄此日誰  
男子戰鬪於今盡亂臣峽口香鑪含烈氣沙邊石  
馬起高塵惠妃名號榮巾幗再拜祠宮薦白蘋

留別建陵孟太守

三年王業未偏安才氣無雙似爾難名將多為邊  
郡守孤兒曾隸羽林官雲州血戰先公壯露冕春  
行壽母歡我愧疎慵應早退羅浮歸養采芳蘭  
蘭橈日日繫江濱帥主恩深不念貧曾典戎麾猶  
乞食已辭神武尚留人羞逢往日黃冠客悔別高  
堂白髮親與子臨岐思握手交情須向去時真  
賦荅楚人陳子山

白鵬生長二禺中雄白雌朱與眾同芝木那能如  
一老雞豚未肯易三公文章知己歡南楚烟雨開  
帆恨大通地名羊城八景有大通烟雨寄語武昌城畔柳相思

長繫鶴樓東

兄弟君家不可當長公人羨白眉長三珠樹作題  
詩筆八桂花為奏事香相父天南多教育尊人為廣東督學  
留家湖北待迴翔炎天六月難言別相照冰心  
一片光

又答其弟仲夔

揚鞭幾日別京華吳下爭看白鼻騮劍客多生荆  
楚地騷辭更在大夫家同將孝友光南海獨惜英

雄老紫霞兄弟六龍君第二趨庭萬里慰公沙

與我神交幾嘯歌林宗郭舉旭同出都至吳一路話烟蘿休

言高尚皆金馬亦有文章在玉珂蘭草自為王者  
出羊裘終柰故人何君家父子高臺閣應念窮居

著述多

送散木子之虔州

君度梅關歲正殘梅花且喜拂征鞍北枝定讓南  
枝早南雪休同北雪寒玉枕山名在南安偏宜遊子夢

金精山名在寧都更得故人看來鴻去雁元容易遲爾

明春返藥欄

蘭谿童君以丹砂見贈兼示憶梅之作詩以

答之

葛令當年惟服食君今亦欲事丹砂仙山更可栖  
浮嶽玉女何妨得鮑家色似芙蓉非外物光含日  
月是心花故園梅發休相憶且向炎天共歲華

招黃山汪子扶晨

扶晨別號梅旅比以紫霞名見寄

紫霞春片寄來新慰我高堂八十人山水不知爲  
道苦鶯花亦笑著書貧月明天外元非物雲落人  
間卽是塵魂夢正牽梅旅客幾時來訪石門津  
桃花潭水似情人流出霞山萬古春金粟至今爲  
太白青蓮自昔愛汪倫詩於黃海辭多怪酒是潛  
溪味更真渺渺煙波愁不見珊瑚千尺待垂綸

韶陽恭謁虞帝廟有賦

廟枕皇岡古色春冕旒遺影細生塵娥英變化元  
天女鹿豕依稀是野人仙飯一叢香草掇御牀三  
尺玉琴陳階前拜手敷辭罷淚洒幽篁似楚臣  
玉輦何年八桂來衣裳垂向九成臺千秋曆數躬  
猶在一代龍魚事可哀斑竹風生鸞吹起蒼梧日  
落象耕迴騷人悵望惟瑤圃欲就重華未有媒  
南巡往日憐韶石徧奏鳴琴六六峰天闕自開雙  
錦繡翠華長駐一芙蓉月明瑤瑟來雙女風起珠  
塵繞六龍雲裏帝城蒲阪似蔥蔥御氣絳綃重

樓有額曰雲裏帝城

長望沅湘有所思楚宮泯沒至今悲三閭大族惟  
三戶九面衡陽豈九疑歌舞東皇噉未出夷猶北  
渚月頻移零陵不是來龍馭詎有湘纍謁帝時  
開闢文明五嶺新山河傲屣此南巡謳歌一日無  
賢子禪受千秋有罪人俎豆偏多荒服外蘭蓀未  
借楚江濱精靈亘古同霄漢不道湘妃是水神  
野死涪陽恨未央竹書遺事總荒唐象於有鼻稱  
天子羽亦重瞳作霸王韶石山連三峽險曲江水  
接六龍長南薰願得畱終古先爲炎天散早涼始興

有鼻天子冢  
蓋謂象云

### 九日舟經清遠峽登高有作

登高何處踏蒼苔繫舸軒轅庶子臺三峽東西千  
嶂合二禺南北一江開枯楸有淚流霜引猿狖無  
聲落葉催典盡寒衣當歲晏蘆花難禦雪花來

登高未後故林期霜露頻當淒愴時鴻雁自知南  
向早梅花誰道北開遲無情潮汐惟中宿有恨雲  
山是九疑斷絕禺陽雙帝子吹殘阮隄更無枝  
登高愁似送將歸木落山空祗夕暉紅葉有霜終  
日醉黃花多露一秋肥蕭條返舍餘長劔潦倒干  
人失布衣寄語江間漁父好白鷗無食向君飛  
登高且喜傍鄉關慷慨能銷壯士顏四海龍蛇悲  
已盡一夫鴻鵠恨多閒青年汗血龍媒蹠白首衣

裳雉子斑膝下歡娛誰九日黃花插滿綠萱間  
自滇陽至穗城江行有作

欲雨空濛翠益深秋光不逐夕陽沉虛無樹影迷  
煙棹幽咽猿聲和水琴石疊青螺全作髻峰抽碧  
玉半成簪豁豁洞口雲爭吐濕盡衣裘冷不禁  
拂窗飛過一峰峰翠黛含煙落幾重崩石影搖三  
峽棧瀑泉聲亂半天鐘光分明月憐空水色染清  
霜愛紫茸更好秋花黃菊似屏風點綴錦雲濃  
削出青天石更青籀龍無數在空冥兒孫大小分  
喬嶽掌冊東西擘巨靈峽口并吞三水灌雲門開  
闔一峰屏丹厓翠壁題將徧欲就飛來結一亭

舟穿灘峽盡含悽夾岫巉巖石路迷匍匐千夫牽  
絕壁紛紜百丈出飛梯垂堂處處驚淫預吹笛年  
年怨武溪懶學芙蓉長取醉愁心已似太常泥  
搖落江潭日已孤蕭蕭短髮似菰蒲長臨秋水光  
清淺欲識新霜白有無漸老英雄非好女卽成高  
尚是狂奴芝華咀嚼應頤養百歲孀慈掌上珠  
故園蕭索越臺西乞食艱難且杖藜紙筆陶公愁  
稚子衣裳孺仲愧賢妻山花愛老多朱槿水鳥催  
歸更鬱雞出峽不須還入峽禺陽北路易棲棲  
潮雞催沓大江潮未及天明放畫橈漁艇已隨沙  
雁引戍亭猶苦水犀招霜欺楓葉偏難落雪作蘆

花更不消風露有餘蟬易醉一聲人外日蕭蕭  
江天盡作荔支圍黑葉千村映翠微烽火亦教榕  
樹似珊瑚不道木棉非門臨古渡多漁戶坐倚陰  
厓有釣磯西浦迢迢難即到鄉心休逐片帆飛  
咫尺江關不到家吹帆無那海風斜浮沉已苦鷓  
鴉石清淺兼愁茉莉沙裘典鷓鴣因卓氏釵餘翡  
翠似秦嘉無金取酒空歸去四壁蕭條未有涯

六月十五夕就樹軒玩月

未秋先已作秋光解爲炎天散早涼花外尚餘銀  
漢淺鏡中那有碧空長虛無玉笛風何處滴瀝羅  
衣露未央清絕郡齋林壑似庾公畱客有胡牀

贈徐順德

大令仁風扇海濤鳳城沐浴盡恩膏漢京政事三  
河美徐氏辭章六代高臥閣鶯聲連小苑訟庭草  
色接平臯四明狂客風流在肯爲青蓮解佩刀

波人

過尹氏木蘭堂詠木蘭

蘭身豈是如來後金粟芬芳絕有名五葉花多三  
葉少一枝珠熟兩枝生墜來膏露甘誰似薰得篋  
香氣更清舊種四株今老大知君世澤有餘榮

李太

白詩金粟如來是後身陸龜蒙詩不知元是此花身楚辭飲木蘭之墜露

騷人愛飲灑灑露祇向木蘭枝上枝花細不嫌魚

子似丹多正擲黍珠時朱明獨占馨香絕黃熟相  
逢臭味宜嗟爾先公能植此幾家喬木得如斯

於朱明節一名魚子蘭亦曰珍珠蘭最宜薰東莞牙香

### 過梁餘仲池亭賦贈

池開盡養右軍鵝真草朝朝墨幾螺少日悔教團  
扇貴暮年知厭練裙多蟬吟未必無心甚龍聽其  
如有角何新作園林娛白首梅花一樹最婆娑

角聽君近聲故云

### 壽端州太守

秦人

峽束牂江更不開七峯迴合卽崧臺使君一作諸  
侯長令望頻高九郡來南越只今憔悴甚西秦自

昔霸王才祝公看壽如幽雅膏雨多於春酒杯

### 東越撫軍壽詞

百蠻歌舞我公來獻歲椒觴接壽杯元老天歸南  
極老春臺人望越王臺木棉花吐千枝筆明月珠  
生九孔胎嶺海舊稱豐麗地祗今憔悴仗雲雷  
驚春官柳發新年嘉慶人趨節鉞前豈有元公非  
吐握自來山甫此蕃宣天開草昧先雷雨日出光  
華帶水煙鳴鳥海隅應不少因歡平格舞翩翩

衛廣文以荔支詩見示賦此奉訓并以爲壽

漢時王逸推能賦君復風華似叔師甘液含消中  
聖後香瓊餌罷得仙時蘭陵祭酒何曾老天祿傳

經亦未遲首夏清和看欲近先紅犀角望新辭

壽東莞杜明府母李太夫人

杜關中人

先公溫潤秦君子令嗣循良漢大夫八座起居房  
氏有五經傳授孟家無侯多膏澤從王母人祝期  
頤似鮑姑邑近羅浮仙藥滿端陽先獻石菖蒲

讀荆軻傳作

六首

置酒華陽曲未終美人奇馬玉盤中何須七首勞  
神勇更使將軍作鬼雄一自悲風生易水千秋白  
日貫長虹殷勤倘用荆卿將自可威加督亢東  
田光鞠武總謀臣計失須臾欲劫秦豈有精靈歸  
七首空令哀怨斷龍唇蕭蕭風起衝冠髮颯颯雲

吹首路塵自此悲歌燕市絕屠沽無復報恩人

龍斷

唇謂斬鼓琴美人手也

讀書擊劍未蹉跎儒雅偏於慷慨多豈有先生非  
樂毅何曾太子識荆軻燕風已起離騷賦楚調如  
追易水歌壯士至今猶髮指寇讎長枕報秦戈  
平生劍術未曾疎况是深沈解好書蓋聶相期知  
不可漸離同去意何如六王有恨惟銅柱一擿無  
成更副車可惜漢家需佐命英雄未得少踟躕  
多事田光苦殉名匆匆伏劍激荆卿英雄不肯言  
成敗節俠何知有死生皆白衣冠持大斗盡衝毛  
髮上長纓離觴未半驅車去風葉哀含變徵聲



無端委肉虎狼秦爐炭鴻毛枉苦辛七首從容非  
刺客屏風超越是姬人舞陽圖奏應辭殿宋意歌  
殘早濕巾淡淡寒波含涕淚隨風一半逐車輪

送王處士靈樞歸耐錫山先塋

素冠相送出梅關友葬東吳有故山  
歿友誰將平子去孤兒自載伯鸞還  
沙牀散髮風流甚塵尾成裕日夕閒  
我尚爲人爭便得幅巾追逐白楊間  
沈酒何曾日舉杯殷勤荷鋪越王臺  
疎狂豈必青蠅弔卑濕何勞子服來  
夷惠半生虛白首彭殤一笑總黃埃  
文章速朽都無恨化作瑤葩亦見才

君臨

終有不夷  
不惠之語

瘞爾衣冠在玉峰風雲慘淡待相從  
青蓮豈可爲金粟黃石還應作赤裕  
情盡英雄雖羽化身高神智未龍鍾  
棺中堯典無長夜暘谷氤氳接二禺  
明年宿艸惠泉東悵望裕楸白露中  
咫尺要離吳烈士參差樗里漢行宮  
魚燈亘古精靈接麥飯先人伏臘同  
含笑九原長已矣淵冰孝子一身終

雨後代泛亭望湖

雨過湖光飛滿城一亭含吐盡青冥  
浮沉半逐羅浮影噴薄全開瀑布屏  
白鷺祗同漁父冷芙蓉多爲使君馨  
荷錢買得鴛鴦否羨殺雙雙錦繡翎  
送荔枝與友人

荔枝花爛因多雨今歲荒園結實稀喜得丁香千  
顆熟慚分紅翠一朝肥甜心豈有瓊漿似入掌方  
知火齊非欲得君裁王逸賦故將焦核博珠璣

城闕

城闕橫開石室前神華光復祗三年治安書上人  
方少諷諫詩成世未傳燕麥自嫌啼婦女烏弓誰  
忍哭神仙白頭野史憂零落掇拾殘灰入簡編

簡書得蝴蝶半翅

羽化何年入紫虛猶殘半翅在山書生無金粉依  
香國死有精華託白魚三食已空仙字畫一絲猶  
冑錦裙裾逍遙自古須無待鵬鷁誰言我不如

五色鸚鵡

來自扶南勝隴西勤教紅豆飼中閨定知片羽千  
金準况復諸雛五色齊萊氏衣裁蝴蝶子麻姑裙  
化鳳凰妻翩翩文采人多妒安得歸飛丹穴栖

明妃廟

明妃祠枕楚江沙萬壑羣山夾道斜明月尚懸香  
水鏡芙蓉早墮玉門笳羞同公主隨胡俗幸似闕  
氏在漢家終古秭歸哀怨地杜鵑聲裏有琵琶  
香火淒涼帶夕曛明妃村口大江分紫臺環珮依  
神女黃鵠精魂逐細君易託春心惟碧草難銷殺  
氣是黃雲家鄰屈宋風流似怨曲遺音滿水濱

紅顏亦可壯中華詔賜單于出內家爲漢自應高  
俎豆寧胡豈敢惜風沙香溪夜夜長無月紫塞年  
年始有花多少落梅悲糞土無情最是大胡笳  
野廟空林宿鷺羣山花和淚落紛紛無窮翁主成  
青草有限瑤姬化彩雲清似苧蘿溪蕩漾香連巫  
峽雨氤氳只今流落龍荒客未嫁呼韓已似君

陳君壽詞

初歲青陽值令辰壽杯香雜翠盤辛文鸞吐綬娛  
晴日玉樹揚葩媚早春白首長令天樂好紅顏更  
與物華新水頭高築琴書館慈孝枝枝見竹筠

翁山詩外

卷之十

番禺 屈大均 撰

七言律二

壽水部太翁

水部風流動禁闈哀衣持作老萊衣天將一老留  
東海國有孤臣在少微羽客羅浮來鳳子仙書林  
屋得龍威退朝清興多絲竹一一笙詩奏不違

歸宗寺

幽居最愛歸宗寺勝甲江西山水兼已有硯池邀  
逸少還餘醉石臥陶潛六朝煙霧含珠塔四壁風  
雷捲玉簾况是鸞溪春正煖飛花送酒舞前簷

送張子之山西

鞍馬無從返故園心隨春艸送王孫去從太嶽穿  
西嶽來自龍門出孟門故帶仙人姑射館題詩玉  
女洗頭盆秋淚待我中修曲共聽疎鐘與暮猿

燕臺秋日別繆天白之鴈門

燕臺秋色晚來多一片白鴻拂雨過雙闕芙蓉開  
疊嶂九門榆柳落長河離人衣袂從軍淚小婦琵琶  
出塞歌况是黃雲千里蔽故園蕙艸總如何

燕中眺望

太行千里削芙蓉環<sub>北</sub>枕漁陽紫翠重雪盡黃河吞  
碣石雲開北闕枕居庸鴻濛一氣通群帝寂寞

諸陵鎖萬柵設險只教回紇笑薊門原不是堯封

黃河

黃河萬里貫長城勢落龍門太率領一自鴻濛開  
大禹至今形勝壯神京中華事去因潼谷朔漢人  
歸爲柳管天意不憐司馬苦頻將風雨喪佳兵

謂孫公傳庭

望晉恭王園

襟帶河汾玉殿長一朝弓劍委秋霜將軍死戰哀  
寧武帝子生降恨晉陽馬首關山空落日城中歌  
吹罷清商悲風處處吹松柏誰到并州不斷腸

早發大同作

雞鳴人起大同城，笳鼓淒淒出塞聲。  
青塚風高貂不煖，白河霜滑馬難行。  
髡鉗昔日圖成事，溝壑今朝欲殉名。  
枉歷三關征戰地，無絲一奮曼胡纓。

陽方口

三關要害是陽方，往日旌旗夾道旁。  
寧武將軍能報國，周公雲中壯士不勤王。  
姜秦城北走陰山盡，環晉水東穿紫塞長。  
晾馬臺前多返照，行人悵望欲沾裳。

章臺

年來無淚灑干戈，遊戲章臺日日過。  
喜與佳人馳寶馬，愁將壯士挽天河。  
五陵日落牛羊亂，三輔秋高鼓角多。  
慷慨不知時命薄，醉中梁父又悲歌。

西來

西來天險自崑崙，登嶽方知白帝尊。  
豈有巨靈開太率，繇來神禹鑿龍門。  
潼關戰後金湯盡，蒲阪秋來殺氣昏。  
愁絕兩河諸父老，歲時空禮督師魂。  
謂

谷白

率陰贈蘭生

愛爾秦雲似美人，朝朝光映率山春。  
青天盡是芙蓉削，白首長爲玉女鄰。  
永日一觴消世事，平生雙劍結交親。  
玉泉如酒吾將老，不恨飄零折角巾。

荆南歸興

牢落風塵一蒯緌荆南空上仲宣樓家貧豈是無  
長策親老那堪更遠遊巫峽啼猿驚旅夢洞庭飛  
雁引鄉愁英雄不是爲人子處處沙場作首丘

寄從兄賁士員外

萬里黃雲接楚天愁君匹馬戰場邊將歸故國無  
喬木欲住春山有杜鵑絕袂空傷慈母意采薇誰  
和寡兄篇金沙江水知難渡未得從亡入瘴煙

歸至江東東方丈爾止

今代文章在少微柴桑以後似君稀相逢洗藥青  
谿去正見銜魚白鳥飛爾向南朝作者舊予辭西  
嶽爲庭闈好將竹葉除華髮莫倚臺城送夕暉

南鎮

稽山形勝配朱天漢帝登壇肅豆邊玉笥宮藏神  
禹簡香爐峯拒祖龍鞭風雲有氣生潭口虎豹無  
聲立洞前十道河山勞作鎮更扶黃屋斗牛邊

逢日者周生賦

知子青囊有妙篇升沉一爲決皇天莊生未試屠  
龍技蔡澤猶遲躍馬年湖上蟬聲催落照雨中艸  
色染輕煙離情直與長江水送至梅花大庾邊

何仙姑壇作

咫尺春岡接鳳臺朱明門戶井中開金精不使吳  
王得雲母難胎葛令來帝賜霞衣留洞府人傳玉

烏在莓苔綠珠豔曲先南越爭似仙靈更有才  
少小長桑夢裏逢天花鍊就不乘龍飛過海上麻  
姑石化作雲邊玉女峰井有寒漿如太率岡餘紅  
雪似芙蓉鮑家尚爾婚勾漏仙李多情笑彼穠

榴花村中宋義士熊將軍飛

東官自是英雄地熊氏將軍首建威血濺單于邊  
艸濕魂隨少帝海天飛花溪陰雨聞金鼓玉嶠春  
風長蕨薇一片戰場當縣出至今人士重無衣  
書生此日思酣戰男子繇來舉大名不是將軍起  
銅柱誰令丞相文公天祥有金城十年縞素君王淚一  
片壺漿士女情血染榴花紅不盡溪流時作斷腸

聲

匹馬當關殺氣秋雷霆

一戰復炎州功如東莞

何公

真難封伯節似增城

張公家正

未贈侯碧甲

水湖來驚

日月黃旗

山名

雲起接羅浮同時亦有將軍許

名之鑑

白首橫戈涕泗流

恭謁三大忠祠

祠在廣州南園國初五先生嘗作詩社其中

宋代江山今已非海門陰雨見龍旂中華此度君

臣盡萬國何年玉帛歸地有三公為嶽瀆天餘一

客在芝薇南園俎豆淒涼甚欲識忠魂是落暉

祠堂寂寞越城邊一片風吹綠艸煙詞客舊多亾

國恨騷人今有禮魂篇將軍

張公世傑

力向天風盡丞

相

陸公秀夫文公天祥

心為海日懸羨絕當年孫典籍

典籍各黃

為五先

太平先在聖人前

### 春日登粵王臺作

朝漢而今事未非蒲桃宮錦奉恩暉書生有策除  
黃屋帝子無心出絳衣春色早將兵氣散南天先  
見翠華飛臺邊一路通京闕肯使雲山尚采薇

### 壽前刺史彭君

朝漢臺臨百粵雄蒼茫秋色似雲中紅旗晚閃三  
城日畫角寒吹萬馬風太守聲華高武庫將軍禮  
數起文翁鏡歌為爾千金壽醉倒天南紫菊叢

### 送人之塞上

翩翩裘馬走盧奴臥遍燕姬春酒壚射獵不須留  
白羽關山一任塞飛狐紛榆豈必江南好鴻鵠繇  
來壘上無雨雪霏霏憐歲暮英雄淚盡紫駝酥

### 送任給諫

婁江為政本神明畫省封章復有聲北愛金河霜  
易肅南愁珠浦水難清鸞皇好作天唳舌蘭芷無  
忘客姓名惜別樽前多慷慨紫駟嘶斷五僊城

### 贈張子新婚

增城侯張公家王之弟也公無子須弟之子為嗣故未向及之

增城往日建功勳一片丹心照塞雲有弟共麾銅  
馬戰生兒同隸羽林軍鶴鴿原上今憑子翡翠樓  
中正遇君珍重將雛歌一曲異時茅土待重分



陽春道中

參差石笋挿天長翠壁丹崖映夕陽雨過白雲如  
瀑布春來西水沒魚梁人家多養珊瑚鳥市口惟  
聞茉莉香白口能歌謠女好風流不似野鴛鴦

和劉六茹登華

天邊雙率鬱嵯峨萬仞丹梯掛女蘿太乙池中浮  
皎月仙人掌上瀉黃河心悲角里芝華少淚洒宗  
周麥秀多席捲三秦非此日留侯畫策已蹉跎  
浩蕩枯聲滿太虛凌峰一把羽人裾軒轅臺迴風  
飄笛玉女牕寒露滴書秦地山河明月在漢家宮  
闕白雲餘蘇耽未肯乘鸞鶴有母衡陽日倚閭

墨台

九世商侯是墨台盟津肯爲武王來千秋書弒堪  
爲法一代無臣正可哀灤水風悲孤竹里首陽雲  
掩采薇臺黃農虞夏歸無處多事天生十亂才

范蠡

浮海鷗尸一棹多飄然應自老煙波身全豈合爲  
齊相貨累將無愧越娥子死千金當市井師遺一  
策是巖阿會稽山下餘湯沐士女猶傳采葛歌

豫讓

豫子元非刺客人青笄亦復識天倫襄君未肯誅  
塗廩國士繇來重漆身三躍自應教出血二心端

欲愧爲臣悲風亂激汾橋水長使行人淚滿巾

信陵君

尺門一自請侯嬴功業頻垂蓋代名六國兵歸公  
子將諸侯客向信陵傾秦來早有河溝患漢過難  
忘俎豆情毛薛復能令救魏始知賢士貴逢迎  
函關西逐虎狼驚反間頻教事不成六國安危公  
子在三年荒宴大梁傾難忘晉鄙猶多客未斬蒙  
騫更進兵合從自能存社稷不須賢佐得阿衡

虞卿

躡屩邯鄲路未迷頻捐萬戶去栖栖知人未得逢  
無忌急士終難救魏齊窮有春秋猶可見愁因公

子不須啼艱難空使侯嬴惜白首無歸肯向西

聶政

鼓刀難隱姓名淡車騎何來知己心仲子殷勤能  
具酒夫人麤糲敢辭金直誅韓相驚雄劍不使秦  
王待雅琴有姊悲哀頻殉義豈須皮面向刀砧

魯仲連

先生玉貌豈求人一笑全周四十春飛兔只應向  
東海貪狼那肯帝西秦三公不易惟貧賤百世堪  
師是隱淪此日鮑焦方抱木非時難保白雲身  
名駒千里不能干徐劫難將弟子看不使田巴談  
稷下非關無忌救邯鄲山東一一知高節海上翩

翻有釣竿傲儻只今思畫策布衣未信立功難

伍子胥

簫聲凄苦入吳來隱忍能成報怨才縣日鯨門觀  
寇入爲濤江上盪城開越人白馬何勞祭范子鴟  
尾亦可哀入郢便應頻解印姑胥那忍更遲廻

燕昭王

燕昭信是霸王才得士望諸自魏來故鼎遂能歸  
磨室黃金不枉築寧臺七雄獨爾爲宗國一戰還  
堪振有郢誰肯千金克駿骨功名真自郭生開  
君臣甘苦總相同二十餘年旦暮中湯武仁聲雖  
未洽春秋義戰此爲雄王前久已無師友天定那

能善始終三代至今人物少樂君真有臥龍風

趙武靈王

夢裏琴聲得孟姚英雄此劫恨難消美人一入吳  
娃館公子頻從主父朝西上黃華河活活北窟大  
漠艸蕭蕭雲中有路堪南襲長使秦人氣不驕  
四戰功高屢致兵河西攘地出長城招來騎射三  
胡畏馳入咸關六國驚上帝若能憐簡子美人何  
得與娃羸英雄自作沙丘禍霸業傷心竟不成

荆軻

當年神勇是荆卿市上悲歌最有情豈必英雄工  
劍術未應生劫待琴聲從容不俟蘭池客慷慨空

借豎子行枉使秋風吹易水白冠相送淚沾纓

蔣相如

鼓瑟邯鄲最有名秦王亦為奏秦聲九賓未禮陰  
懷璧五步何勞盛設兵御史直書真勇氣將軍多  
讓豈私情雌雄不滯誰能似心折風流是長卿

宋武帝

司馬本為神漢賊寄奴真是楚元孫中興自可為  
昭烈薄伐曾經至太原九世深讎雖已復千年正  
統未能存劉何倘識春秋義應向君王拜手言

呂不韋

休言仲父更何親自是西皇太上身陽翟千金方

返楚邯鄲一女已亾秦春秋有作歸商賈賓客相  
將盜聖人風俗至今倡樂盛史公何忍記桐輪

李廣

秋風吹老北平城飛將增人慷慨情長臂雙如猿  
有勢大黃一發虎無聲隴西風節羞降敵武帝恩  
私悔請行一石自從淡飲羽至今鷓鴣過猶驚

和人謁昭烈惠陵

永安宮裏悔征吳國賊繇來是赤烏三國新書尊  
季漢千秋正朔在成都園陵寂莫珠丘似弓劍淒  
涼玉壘孤自古重華多野死錦江流恨亦蒼梧

和臥龍岡

星落頻驚五丈原天心豈欲漢猶存伏龍一識三分帝雄雉重飛九世孫遂使中原歸蜀國長留正統在夔門平岡咫尺傳高臥楓葉離離滿淚痕

和人岳王墓

鄂王墳上哭南朝聲落錢唐作暮潮鷓鴣革有膏成碧玉蜀鏤無氣上丹霄枯楸亦向黃龍指風雨難將白馬招今日卻思和議好沙場不恨失嫖姚

和人巫峽中望十二峰之作

十二峰橫彩翠長含情不忍上高唐朝雲終古疑神女暮雨何年感楚王南國荒淫多夢寐騷人諷諫有辭章蘭蓀亦愛風流地莖葉青青不斷香

和人河西開府新移肅藩廢邸之作

河西幕府朔方開節鉞新移肅邸來木葉聲悲兜勒曲穹閭氣暗赫連臺諸王河間多爲善一代淮南更有才最是雲中雞犬好不驚鳴鏑向龍堆

和友人朝天宮之作

冶城宮殿舊朝天劍佩千官肅几筵自舉玉衣當九廟人疑銀海在三泉駒駝臥處邊雲滿首宿開時戰血鮮雷雨不容酥酪奠神靈咫尺寢園邊

和李生與客上廬山之作

三疊泉門是玉川開當大月翠微邊老人五作奇峰立居士雙從醉石眠污地枯黃香滿帚穿苔竹

笋小成鞭樓窓面面吞彭蠡嘯落天風萬壑傳

綠珠井

懊儂曾照井泉清一代紅顏水底明絲布正愁穿  
指澁花裙頻使墜樓輕翹風枉作房中老王氏虛  
為糞上英白首同歸有才子當時金谷總多情  
寒泉終古白粼粼飲水能令出麗人梁女自歸金  
谷日蠻花都讓綠蘿村名綠珠所居春長為石氏千秋事  
未死真珠十斛身吹笛當時多弟子有誰相殉落  
花塵

江上逢鄭翰林因聯舟同上端州賦贈

紫洞江干邂逅時蘭橈相逐去遲遲空天忽接高

鴻影光露初含蔓草姿烏烏終懷南海日鸞皇頻

別未央枝從來太史多風雅肯向鄉邦采楚辭時翰

林以終養乞歸

江頭忽作連枝會家兄修古與翰林弟同在舟中兩兩舟中有鴈

行藉地正憐春艸軟揚帆更喜海風長康成羽翼

先三始南屈淵流復九章西溯牂牁連日夕嘉魚

寄酒待同嘗

舟經金利作

金利墟邊首夏時家家蠻布有蕉絲木棉花盡猶

無葉榕樹根多復作枝西水正愁雙峽急東風莫

使片帆遲鷓鴣本是催歸鳥啼遍春山人未知

入端溪

臥入春溪萬樹煙  
峽門一半掩雲邊  
水簾影落矜羊亂  
山黛光含石婦妍  
有望夫石笳咽天風悲  
處處馬肥江艸恨  
年年黃魚大上無人見  
漁父滄浪去渺然

斑竹

斑竹枝枝拂暮煙  
無情亦自淚痕鮮  
美人渺渺江雲外  
亾國萋萋野艸邊  
髻散不須悲墮馬  
魂歸猶可化啼鵲  
東風莫卷飛花片  
留與愁人伴醉眠

黃泉

黃泉霑灑淚紛紛  
莞水榆林兩細君  
飛去無情雙入月  
歸來有夢一行雲  
西天香藥神仙奪  
南海瑤珠娣姒分  
幸有懷中孩笑物  
穉魂相伴在孤墳

贈前端州張君

太守崧臺振玉珂  
端江一道滿恩波  
清涼尚有棠陰在  
遺佚其如柳下何  
楚霧沾濡愁日少  
秦風慷慨感秋多  
哲兄勳業河西盛  
歸聽甘州啖紫駝

魏少府自惠陽移攝端州贈之

豐湖在惠州絕似鏡湖在山陰魏家在其上  
開秀色全當郡閣來  
露冕未曾經象嶺在惠州魏至惠州  
冰壺又復向崧臺在端州

股肱南越難高臥  
膏潤炎天易見才  
廉似孟嘗誰不羨  
端溪今亦有珠胎

登閱江樓有感

崧臺百尺俯滄波上有飛樓復道多萬嶂高從窻  
口出千帆低向檻前過山川此日無銅界城闕當  
年滿玉珂西望蒼梧煙雨暗重華有淚在泮河  
四樓合作一樓開勢截泮河萬里來萬歲樹存惟  
桂樹千秋臺起是崧臺來朝玉輦黃龍出去逐金  
笳白馬哀御氣至今三峽在七星員屋卽蓬萊

冬臘有龍  
出端江中

友人見惠端州錦石俾爲棊臺之用賦答

相貽片石自羚羊四尺裁同鳳喙

琴名

長作案真宜

青玉好爲屏不用錦雲張清音易取空如水素手

難留凍似霜去歲猪肝純紫研一齊珍重在書牀

七星巖作

乳竇玲瓏處處開空中無日不生雷七峰婉轉如  
珠斗一水浮沉有玉杯風雨東西分洞出雲霞日  
夕滿城來華不愛向湖中注鼓棹教人日溯洄

片片

片片漁帆帶夕陽暮來無處不鳴榔江心一道潮  
痕白山外千重雨氣黃荃裕新披猶覺冷鱗魚多  
食不聞香荔枝四月催教熟多謝蟬聲爲我長

江上新晴有作

青山雨過片雲餘水氣空濛望若虛峰似亂流爭



出峽地當西潦半成渠荔枝多釀春州蜜榕子初  
肥滙口魚白鷺心閒真愧汝經營端爲古人書

題東江亭

羚羊峽口萬峰屯轟轟山亭勢並尊鳥道平來宜  
百丈牂江砥去亦三門泉聲處處如啼鳥竹影枝  
枝有墜猿古寺無人長寂歷石頭清坐欲忘言

靈山寺作

野寺何年闢翠微枯門隱映在煙霏聲搖三峽雙  
鐘度勢截千峰一塔飛水長魚花隨電出山寒兔  
子得霜肥鳴鷄夜半催潮上漁父相將一棹歸

十二

十二峰巒望不分美人終古夢氤氳飛歸不復同  
青鳥化去繇來是片雲天上玉棺頻自舉人間瑤  
瑟更誰聞哀蟬落葉年年思涕淚徒霑蛺蝶裙

喜族兄修古遠歸

幽燕爲客及秋還門對鵝潭有故山黃髮正愁諸  
從少白衣猶得一人閒書成士女師鸞勢酒熟仙  
靈與玉顏自此鄉園休更別荆花一樹日同攀

膝下文章雉子分白鷺潭上寫鴛羣東西水作雙  
飛瀑大小山成一白雲楚國王孫多阱側靈洲佳  
氣未氤氳離騷不忍言家學淚洒湘纍杜若薰

歸舟賦贈柴子

風信東邊見破篷移舟淡入蓼花叢雷聲隱隱黃  
霞外日色沉沉白雨中山水有情娛我老詩書無  
術救人窮疎狂莫作諸侯客鸚鵡才高命或同

雨後

雨後江潮鼓大波黃花魚比白花多  
曾門故截溪橋出漁艇時穿海市過  
灘瀾已知無食好鷓鴣其奈不歸何  
離枝漸熟休狼籍釀酒持將養太和

望端州郡樓有賦

郡治樓同五鳳樓當年玉輦此南遊  
無情太率空成冢有恨金沙不覆舟  
天上龍髯那可拾日中烏羽詎多留  
遺臣忍死存溝壑淚洒風煙一片秋

康州江上作

維舟一薦白蘋香陸賈祠宮在晉康  
錦石山開三峽峻苴蘭水落九江長  
湘分大小黃魚好巖辯東西紫研良  
最羨寒蟬飲風露家家人有綠天涼

稚子

身並琴牀漸欲高摩挲髻子愛蒲桃  
髻名花籃香滿鮮龍眼繡襖寒生小  
鳳毛大憤只須逢帝子多金何必與  
兒曹葩經上口關雎熟客至憑渠勸  
濁醪偶得一雌白兔有賦

紫紫一兔自東西欲舐雄毫不得齊  
火伴誰知木蘭女故人應念竇玄妻  
瑤光易得星精散金色難

從月魄栖赤眼迷離休亂顧淡憑壽藥就刀圭  
雄去其如撲朔何傷心東郭獨離羅爲丹自可來  
神女出月誰教別素娥食向兒童蕉葉嫩棲當簾  
幙桂華多蝦蟇共作高堂藥白玉拌香養太和

送人自楚之蜀

江帆此去莫霑裳蘭杜多情爲爾香神女風流滿  
巫峽騷人湯沐在瀟湘東西漢水巴陵大朝暮猿  
聲白帝長辭賦最宜秋氣早不妨哀怨盡清商

弔雪菴和上

一葉離騷酒一杯灘聲空助故臣哀金川自逐魚  
衣去玉殿誰教燕子來一姓終懷亾國恨三仁難

得遜荒才君臣淚滴袈裟溼悵望臺城日幾回

送人自歸州入蜀

空舫最險復兵書白狗黃牛盡不如二峽已愁朝  
暮上三巴惟見水雲餘哀猿生長悲秋地落木飄  
蕭入蜀初多作竹枝供起汕西陵春暖正多魚

綠牡丹

絕代名葩雒下無香分螺黛十眉圖花中不辯來  
么鳳葉底多疑是綠珠羅袖淺將苔色染玉盤寒  
愛露華濡姚黃莫卽愁爲裏青帝恩光此獨殊

孝婦吟

婦歐氏爲趙枯一妻兩  
割股以愈其姑與父疾

凝脂兩度血花開持作羹湯各滿杯阿父豈須嘗

藥去慈姑頻見返魂來迎刀片片何曾痛上箸絲  
絲未忍催仁孝只今餘趙婦誰操彤管不含哀

涿州

君臣此地得相從王氣初盤涿鹿重籜作長冠驚  
赤帝桑如樓子兆飛龍漢家終始惟南鄭天胄神  
明是大宗誰使高光還血食更憐諸葛最溫恭

和人途次永平之作

日暮盧龍暫解鞍霜風最苦北平寒重關自古分  
遼薊二水從茲合漆灤孤竹千家當市口虎頭一  
石在城端重魚味美羊酥嫩醉聽邊歌至夜闌

出魚重脣土  
人名曰重魚

阮亭歲暮懷人詩有曰姚生

莊子結屋羅浮頂

小陸

卿

平分古洞天欲覓屈師訪仙跡梅銷

嶺上隔風煙屈師謂予也其注亦云翁上人

舊隱羅浮

羅浮舊隱海雲東姚陸墳悲宿艸空憔悴依然爲

屈子逍遙不復作文公沉冥竹葉愁終遣湯沐梅

花命或同

謂梅銷封臺侯  
食采梅花嶺也

歲暮有懷勞學士何時

注籍洞天中

南流爲汨北爲羅離別其如二水何山鬼但知篁

竹美湯師偏見碧雲多難言風雅歸蠻越亦有江

山似屈沱三峽羨君頻上下巴人傳遍竹枝歌

和栢林弔古

斜陽繫馬栢林松，酌酒當年獨眼龍。國建沙陀功最大，年稱天祐禮還恭。復唐豈可欺天下，繼統何曾出大宗。此日諸侯誰賜姓，故應龜鑑守藩封。

梅花嶺

墓林猶見陣雲屯，丞相衣冠尺土尊。自喪興平無將帥，難歸白下哭陵園。江都竟作鴻溝界，梅嶺何殊百丈原。痛絕寧南頻嘔血，晉陽戈甲豈王敦。

賦寄富平李子

河宰高居早有名，鶴書頻使羽毛輕。三秦豪傑哀王猛，一代詩歌恨少卿。絕塞雖將黃鵠返，空山無

復白雲迎。鴛湖朱十嗟同汝，未嫁堂前已日成。

故人

故人鸞鶴枉同群，不作明妃只魏君。豈有襄王真好色，繇來神女愛行雲。刀環婉轉何須贈，隴水流離早已分。一夕綢繆悲嫁畢，灤灤零露滿羅裙。

謂分庭處士

設悅

設悅佳辰事已終，年年七日淚含風。香奩白福餘人勝，綵縷千條是漢宮。暮作啼烏棲不爇，朝爲行雨夢還空。泉臺定識相如苦，溝水東西有日同。

蓮葉

東西南北總田田未作芙蓉已可憐魚戲不驚珠  
亂瀉人擎最愛月多圓湘纍水屋香誰似越女羅  
裙色未鮮玉漱金塘無闕處花開一一故相穿

憶與田李二君秋日讌集雁門有作

榆中欲往且迴鞭令節飛觴向朔天黃菊未開重  
九後清霜已落季秋前紛紛翠袖箏琵琶咽一一金  
盤雉兔鮮兩載邊關多樂事雄文獨未勒燕然

### 滹洲

滹洲一塔矗空冥禾黍陰陰上翠屏上渡潮聲迎  
下渡北亭帆影落南亭林光曉帶人煙白艸色秋  
含鬼火青僞漢園陵誰躑躅牛羊不使墓門扃

### 自菱塘上珠江作

雙飛玉塔截東流勢落扶胥控虎頭地有三門當  
大海人無一劍起炎洲樓船縹緲鰲身映宮闕虛  
無蜃氣浮自古亡諸能助漢固知遺烈在東甌

東臯別業舊址

是陳文忠公遊衍之地

漁艇猶穿玉帶

橋名

迴花灣不見錦袍

灣名

開鴟夷有

恨三江湧杜宇無歸百鳥哀菰葉

湖名

舊通浮嶽井

蒲香今失鶴舒臺雲淙亦是圍棋墅一代風流總

艸萊

公有雲淙別業在白雲山上

### 望黃布諸村

夾岼炊煙起夕林離枝紅映白雲淡帆檣渺渺長

空影雞犬寥寥太古音雨勢東飛隨白鷺月華西  
上待青棊蟬聲何處含風露夜夜凄清最有心

日月二泉井

在廣州城中

月泉西出日泉東日月光生二井中南海波潮從  
口上朱明門戶與心通朝含真氣知天一夕有清  
光似碧空汲取寒華供茗飲仙人美祿此無窮

荅張桐君見題三問書院之作

書院在廣州城南

桐君何事別桐廬來問羅浮桂父居豈有仙人還  
好劍繇來高士不知書青樽但使秋常滿白髮從  
教日已疎身是湘纍憔悴種忍將詞賦送居諸  
珠江水似洞庭波屈氏江邊亦有沱楚國王孫三

戶少騷人弟子二京多微詞易託惟香艸白首難  
要是翠蛾知命不嫌歸漢晚同君飲酒莫蹉跎

新作籜冠有賦

秋風吹汝籜冠今飛拾向空林尚未稀漢氏衮衮冠  
製在湘靈點點淚痕非堅貞更有龍鍾節蕭爽偏  
宜鳳葛衣五嶽真形當面面簪來隨意白雲歸

賦為邵丈壽

朱公豈必定居陶貨殖無如涉海濤澳口天開濠

鏡

漢名小番船山湧荷蘭

外國名

高老人玉角龍雙尺

令子金華

邵金華人

鳳一毛丹荔正多長命物綏山不

待取仙桃

燭花

心華采采出空中水火絲來一本同  
菖菡雙頭香未發珊瑚一歲色先紅  
頰將蠟炬為仙種多注蘭膏作化工  
留得春光到天曉簾垂面面不通風

送張秋官往遊容縣

西上容江片席開正逢西水自滇來  
河山有恨頻題賦風雨無心亦告哀  
劍在忍言亾國物棊餘且盡故人杯  
艱難此去因家食陶令還能愛爾才  
五十商瞿子亦遲宜男且復種軒墀  
無成未愧尸養母有道還尋鍊藥師  
中路黔陽辭主日故人都嶠罷官時  
扁舟此去多驚喜兩鬢相看總已絲

登岱

盤盤石磴上高雲白練吳閭望不分  
尺寸便為天下雨虛無總是岱宗雲  
西皇輦路諸峰在東帝鐘聲萬壑聞  
四嶽惟茲南面立固知太皞是元君

惟泰山南面

鴻濛一氣自天孫日月雙觀各有門  
萬物盡從青帝出諸峰都讓丈人尊  
枯間風雨秦時響石上煙蘿漢代痕  
最是白雲多變怪誰從觸石見真源

魯宮

兗州聞有魯王宮未毀靈光與漢同  
可作東周惟曲阜自來宗國是龜蒙  
龍興定在 高皇後日出



嘗瞻大海東碧瓦雕甍勞父老年年淚灑燕泥中  
玉殿猶存泗水旁何人海外尚從亾難教會稽還  
尊魯未信沙陀肯立唐詩在諸侯偏有頌史書正  
月獨知王波臣有意存遺腹會見朝宗是少康

武侯故里

在沂州

蕭條故里在沂城再造人高一代名漢有興王名  
士出天因討賊伏龍生錦官虎據三分小羽扇鷹  
揚六出輕忠孝最光綿竹戰宗臣真不墜家聲

銀山

銀山拔地亦三峯鐵壁橫天定萬重盜賊只能資  
大漠貂璫那得與居庸淒涼九塞風煙在咫尺諸  
陵紫翠封雲似牛羊秋更起笳吹不散滿芙蓉

贈鄭山人入匡廬

九疊雲屏一玉筇天風吹汝上芙蓉三梁幾處成  
三石五老何年化五峰雨勢將殘猶落葉泉聲不  
斷亦聞鐘湖光盡入含鄱口月出偏宜紫翠重

夜宿廣州北郊作

枯風一接夢魂清夜久流泉漸有聲落葉飄蕭如  
逐客疎鐘咫尺是寒城身依豺虎因多難地入魚  
羊爲少兵古道呼蠻人不到青燐相照到天明

石灘舟中眺望

東樵西望是南樵四面芙蓉海上標蜃氣春晴多

作市雞聲夜靜始催潮離支十里雲嘗暖瀑布三  
秋雪不消紅翠相迎過洞口尋仙且繫木蘭橈

枯柏

枯柏平生耐歲寒身存不敢怨艱難斑衣楚國師  
萊子皂帽遼東學幼安孔雀珠毛憂雨濕梅花玉  
骨畏霜殘枝枝不少籠葱竹更向羅浮采釣竿

從端州采研歸有作

風帆朝別七星岡路自羚羊向五羊二水合爲三  
水大西江流比北江長木棉樹樹如烽火山雉飛  
飛過石梁采得紫雲東洞石歸來書案有輝光  
萬里江飛匹練過小湘大路峽名峽嵯峨煙波蛋女

鳴榔少風俗龍鬚織席多翡翠墟邊叢水帶芭蕉

林外盡山螺歸舟此度歡無極采得青花自爛柯

水巖石以有  
小青花爲美

學士泉

在廣州大  
北門外

學士泉清勝十泉

廣州城內  
外有十泉

氤氳微帶越山煙真

茶潑去蘭香發活火烹來雪色鮮天一真精成玉

液朱明靈氣出花田凌朝素縷思親汲汲取寒華

作酒先

烹茶

故人天外意難忘佳茗殷勤遠寄將廟後已多秋  
界好潛谿還有紫霞香雙泉適自空林出一勺長

含素月光日夕著書飢渴甚斃杯擎處愛清涼

贈王將軍

父子天南兩伏波自娛不復有臣佗三軍禮樂師  
儒將一代詩書讓雅歌武庫橫開臨碧海文昌高  
坐逼銀河康侯介福因王母蕃庶從今錫馬多  
舊著龍山大獵篇名高十八冠軍年諸侯兵法歸  
公子兩世彤弓得象賢仁孝已堪圖漢閣安閒自  
可定蠻天卑躬况復求巖穴飛兔行應受玉鞭  
文謨武烈早非常秀出瑯琊大道王雙植金標爲  
彩筆七腰銀艾到炎方遺書雅欲傳先哲絕學還  
思啓大荒元凱春秋多羽翼爲予裁定得成章

